

参寥子集

道潜

文硕阁

wenshuoge.com

目录

关于我们	3
提要	5
参寥子诗集目錄	6
参寥子诗集卷一	17
参寥子诗集卷二	24
参寥子诗集卷三	29
参寥子诗集卷四	34
参寥子诗集卷五	39
参寥子诗集卷六	44
参寥子诗集卷七	50
参寥子诗集卷八	57
参寥子诗集卷九	64
参寥子诗集卷十	70
参寥子诗集卷十一	76
参寥子诗集卷十二	82

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

臣等谨案参寥子集十二卷宋僧道潜撰道潜于潜人苏轼守杭州卜智果精舍居之墨庄漫録载其本名昙潜轼为改曰道潜轼南迁坐得罪返初服建中靖国初诏复祝髮崇寧末归老江湖尝赐号妙总大师

国朝呉之振宗诗钞云参寥集杭本多误采他诗未及与析今所 者凡二本一题三学院法嗣广 订智果院法嗣海惠阅録前有参寥子小影即海惠所临首载陈师道饒参寥禅师东归序次载宋濂黄谏乔时敏张睿卿四序抄写颇工一本题法嗣法颖编卷帙俱同而叙次迥异未知孰为杭本按集中诗有同法颖韵者则法颖本授受有绪当得其真惟所载陈师道序题曰高僧参寥集序与序语颇相乖刺岂传写者所妄改欤冷斋夜话称参寥性褊憎凡子如讐今观其诗如湖上二首之类颇嫌语少含蓄足为傲僻寡合之驗然其落落不俗亦由于此呉可藏海诗话曰参寥细雨云细怜池上见清爱竹间闻荆公改怜作宜又诗成暮雨边秦少游曰雨中雨旁皆不好只雨邊最妙又云流水声中弄扇行俞清老极爱之此老诗风流醞借诸诗僧皆不及韩子苍云若看参寥集诗则惠洪诗不堪看也云云盖当时极推重之曹学佺石仓历代时选惟録其游鹤林寺一首夏日龙井书事诗一首以当北宋一家殆从他书采摭未见此本欤乾隆四十一年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

参寥子诗集目錄

卷一

庐山杂兴【十五首】 陈季常静庵

何氏寒碧堂 崔君草堂

虚寂堂赠陶道人

廖公挽辞 絕句

览秀亭 归宗道中

寄王慎中夏日山居

秋江周郎中濂溪

陶宣德逸老堂 夜渡采石

秋日西园【五首】 题杨君兰轩

送琳上人 春日即事

临平道中寄辨才

防鹤林寺 江上秋夜

过金山与元防【三首】

春晚【三首】

卷二

邵伯道中平山堂观雨

建隆秋夜【二首】 晚步

饮蜀井 次永仁韵

次何子温韵醉道士石

懷孙莘老四柏堂

次秦少防韵【四首】次黄子理韵【三首】次龙直夫韵【三首】次孙传师韵

春晴【二首】东园【二首】

淮上【三首】冬夜防孙莘老【三首】

晓出土山 寄蔡彦规

次太虚夜坐韵 呈莘老

次王通叟寄仲恭

南楼书事懷裴学士

呈庆禅师

卷三

再赋温泉防龙洞

次莘老赠显之韵虚乐亭

朱伯收观雪宿九曲池

邗沟絕句 寄李端叔

都下晚霁 酬邵彦瞻

访蘓学士 彭门书事【三首】

虚白斋 赠子瞻歌妓

登徐州黄楼逍遥堂书事

子瞻饭别 寄李齐州

次子理梅花韵 淮上寄子瞻

别曾逢原寄逢原

寄端叔赠邹医

寄子由 赠子固【二首】

宿干明 寄莘老

寄李公择 俞待制挽辞

卷四

春行次传师韵

淮上闻雁与怡然夜话

鹤林寺 寄舒尧文

寄叔康讲师 登壽寧閣

得端叔淮上书 送慧悟还阙

寄侍琪秀才钟山夜月

睡起曾舍人挽诗【二首】

子瞻赴守湖州【三首】 赋得岸字

南溪泛舟 吴兴寄子瞻

田居四时龙井书事【四首】

寄俞伯谟【二首】 夏夜

送楚上人 晚兴

下湖晚归秋日西湖【六首】

晨起

卷五

招李无悔寄彦瞻

次彦瞻韵再次彦瞻韵

寄张明甫探梅

歲寒与元防话别【二首】

春日【二首】 春词【三首】

驻景楼见程给事【二首】

寄济明 寄俞仲寬

春日杂兴【十首】 雪堂雨中

春日赤壁【二首】 别雪堂呈子瞻

题徐德之闲轩 东坡话别

赠潘邠老酬周元翁

与曾子宣送曾子开

过藏书堂懷少遊子实

卷六

寄王元均 庐山杂兴【四首】

寄黄察院寄二学士

寄东坡 寄章仲释

梅花【三首】 寄孙莘老

寄子由 和子由韵

寄二居士【三首】 庐山懷子瞻

酬周亨叔访王荆公【三首】

谒天竺观音次元翁韵

病中呈刘景文【四首】 入智果院

辨才新亭 次蘓仲豫韵

辨才生日 题解頤堂

送仲豫就省同蘓文饶泛西湖

酬钱塘宰和景文兄

夏夜懷景文 次景文韵

寒食日

卷七

别蘓翰林送景文

赠林子中辨才夜坐

赠聪道人 送僧遊天台

览子理诗寄蘓太守

次陈敏善韵 都僧正挽词

次吴承老韵免充僧正

送子中【三首】 呈廖通判

次王行甫韵 同遊天竺

次刘韦孟韵【三首】 遊苕溪道场山

夏夜送兰花【二首】

夏日竹阁送李仲益

访勤上人荅晓上人

送俞伯谟次文饶韵

陪人遊天竺呈章丞相

謁荆公像【二首】 曾子开话别【二首】

寄妙懿观恭师诗

寻余清老不遇 和刘伯昌韵

次真禅师韵送文惠还金华

题桐虚斋题停云斋

次智果韵【二首】 次周开祖韵

卷八

次才仲韵赠吴子野

送庠上人才仲山行

神智话别晖晖堂

次陈叔易韵【二首】 晓霁

次感懷韵遠斋

懷仙阁 华亭道中

泛西湖 和元翁韵

和明遠韵秋夜见寄

送人还金华 宿天竺【三首】

晨起喜人见访

送明上人之都下送定上人

次刘蔡仲韵次黄仲闵

蘓夫人挽辞 懷蘓伯达

题防楠轩次蘓端明韵

无为堂示法颖

清聚轩 晓师见别

防径山云巢【三首】

呈秦少章 送无上人

燕默堂送炎上人

懷旧隐【六首】 懷何彦时【三首】

刘秀才挽辞【四首】 赠霍山人

卷九

送刘推官观东坡画

淮上观水 书秋景屏

过韞秀堂【二首】 聪师见寄

升师见招【二首】 残菊

淩轩观司马才仲

题桃竹轩溪上

听琴【二首】 呈应禅师

题养浩堂题玉渊堂

与定师话别【四首】 题绿筠轩

懷毛泽民寄赵伯言

读东坡南迁诗读闻复诗

次闻复见懷韵 寄愚恒

次闻复韵【十首】 夏夜偶兴

次古上人韵率同志诵经

呈曾子开送钱持正

寄子开 赠潜照

木犀花 次关子容韵【二首】

湖上晚归 子容见过【二首】

卷十

吊许元裕【二首】 湖上秋日【十首】

赠赵明发【二首】 楼试可见招

次秦少防韵【十首】 春陰

登西楼【二首】 送伯言

赠欧阳季默次延中见赠

酬刘巨载观明发圖

次东坡韵 代老人答

子由书事【二首】 次试可见访

揖仙亭同遊岳寺

试可喜雨 夏夜

观曹夫人画 黄天选见寄

秋声次试可宿斋韵

赠德强 哭少防

次天选韵 次试可韵

卷十一

寄王晋卿田承君话别

呈试可 送王彦龄

次周臣韵 题公震画【二首】

东坡画枯木 雪霁圖

呈吴明甫 王立之园亭【十首】

送慈义 东坡挽词

赠孔处度石菖蒲

送处度试题孔方平斋壁【十首】

行歌亭【四首】 次孔处度词

次方平见寄 题松堂

张公硕不至用前韵

松圖韩氏东园

息轩

卷十二

与蔡秀如赠耿纯叔

读子苍诗【二首】 赠贤上人

喜雪【二首】 书雀竹圖

过韩氏莊【二首】 内乐庵

杞菊轩 寄潘仲升

送李南仲佚老堂

赠权上人 孙传师挽词

孙智甫挽词 题遠趣轩

防泉堂 梦中作

哭休上人 防隱堂

呈周格非观牡丹

寄信上人呈赵德茂

寄洗上人山中书事

寄孔天瑞听琴

寄伯言 观梅花

处顺斋 赠圣可

游狼山【二首】 容膝庵

酬王袞臣观伯山诗

雨中偶兴酬赵存道

赏牡丹赠思正子

次思正韵维 秋日【四首】

参寥子诗集卷一

宋 释道潜 撰

庐山杂兴【十五首】

古帝论匡山南国之德镇迹来得跻攀此语始吾信雄雄压九江矗矗排万仞青天落飞瀑白日雷霆震石镜俄忽开孤光舞而运异花无冬春瑶草亦芳润逵公初渡江道誉蔼东晋刘雷賛高风邈世各无闷陈迹虎溪头于今谁与讯

众峯势连环万叠不可穷香炉独秀防佳气常葱葱长风卷防雾晓壁开曛眈招提出其下楼观排青红回眸盼五老刻削金芙蓉宜哉谪仙子爱此巢云松

白鹤峯后原逶迤旷平陆道周问樵子古实青牛谷披榛得径路曳杖惊麋鹿鲍生古骚人曾过链师宿明月古坛遶题诗记修竹兹焉废耕陇歲晏空菽粟薄日静衔山惊湍防哀玉回首睇吾庐风幡隔林麓

山南信美矣山北尤增奇春风锦绣谷红素自相依梯空上絶巘云日惊倒窥岩壁晕祥光五色成颇黎旁通大林寺松竹短且欹乐天当日遊四月桃始披余龄愿寄此永与人世违

少文好山林每往辄忘归余生千载后独与斯人违竭来炉峯下结宇聊栖迟长林拱茂木九夏遗炎曦溪雨昼忽破藤花照清漪黄鹂语深竹可听不可窥

暮峯腾 云飞雨来滂沱乱防洒苍壁森森挂青萝须臾涨前溪荡荡浮银河中流转巨石出没如鼃鼃天宇夜开霁星蟾莹摩挲玲珑辨崖树宛转照庭柯咏诗无杰句柰此佳景何

中岩不知暑但觉昼景长朝来出孤定蹢躅行西冈风泉漱石齿松雨飞苍苍猿鸟亦我喜麋麋还相将乔林积翠下粲然瞩孤芳冉冉抱絶格霏霏浮暗香山只善守防每吐云雾藏寄言樵蕪子慎勿轻摧伤

龙湫亘三峡草木皆森奇禅余得支径别坞行逶迤上人吴门秀邈有方外姿芒屨衬两足策策欣相追秋田罢刈获云水明空陂防防林中禽文彩光陆离雍容事饮啄相顾忘惊飞鲜魑忽腾馥岩桂飘葳蕤峯端卧落日眷此忘还期

霜清玉绳晓涧谷风未号澄潭不可极俛盼惊骨毛岂不有神物於兹能遁逃海日射两崖余辉何昭昭遊鳞出岸穴翻覆如银刀偶来殊不恶胜事俄所遭聊为五字咏逺愧谢与陶

山深云物清挹玩洗浮虑昨日行涧南飘然即芒屨风潭耿危杓晚与樵争度隔水认梅花方惊歲华暮幽人眇江海乐事期谁预山月独多情娟娟迟归路

高岩吐奇云倏忽千万丈援毫欲名貌卷缩非一状飞仙或遨遊隱隱出其上惊飈忽吹灭转盼惟清嶂山中胜事多彼俗谁能亮

圓月未出岭众峯环苍苍裴回倚修竹迟此清夜光俄惊众木颠滟滟浮银潢玉兔既且跃浮云亦难妨须防经中天下瞩被八荒却瞻中外宫森森敛低昂

一月庐山阳光风动林壑陰崖拆层冰隱隱飞溜落曦和【阙】化工万彙欣并作忽忽鸟声聒艳艳花雾薄瘦骨喜攀跻芒屨便莘确期遇山阿人赏心将共托

五更山雨余海月漏云表流辉入庭户炯炯白如缟百舌语空林关关催欲晓众禽亦和鸣为我释孤抱杉松本奇姿洗涤看愈好惆悵桃李花东风卷如扫

通 接香谷夹道青松直高秋得微雨秀色寒更碧林梢挂红子照眼明的的散防从所欢悠悠事遐歷僧坊媚烟篆笑语恋几席陶谢安在哉空山独行迹

陈季常静庵

庞公与少陵不肯入州府畏人嫌其真但喜归茆宇先生岂其徒与世亦齟齬年来作庵榜以静静非对动默即语闭门谢客亲荷鋤秀甲珍芽春满圃黄鸡白酒厌妻孥醉以诗书相媚妩况复家传侍郎后缥囊玉匣收奇古寶刀错落走金蛇至药晶荧啸铅虎先生妙龄已絕人放浪江湖弃簪组居闲自不减前烈遇物陰施功不数我疑造物已收錄富贵来寻君勿阻不然骑鹤扣 关跨蹠松乔攀佛祖

何氏寒碧堂

城东十亩春萧瑟修竹漫山藹如栢飈飈细浪鸣石齿黯黯苍云翳朝日虚堂正在无有处不惜千竿开翠密鸣鸠野鹄亦解喜颀颀穿林语啾唧但得凉陰过酒樽莫辞晚色侵书帙蓬莱仙人书榜笔端矫矫龙蛇逸北观南来无与伦千载风流君不失

玉荆山人崔君草堂

玉荆山苍势蜿蜒玉荆涧碧涵漪涟山人结庐占幽絕如使世俗来无縁窓前松竹交夏防砌下红紫争春妍清肠终日饱葵藿耳目久厌论腥膻山空月昼猿鸟寂象床拂拭翻朱弦冷然细韵发幽指妙意自得人谁传乌巾席防事高格蹇驴独跨何翩翩行当近林就卜筑与子来往聊穷年

虛寂堂

吾闻卓道士操节如冰霜学窥老莊本渊然閤光芒当时世莫识落魄依四方嘗为京洛遊不

践声利场衣裾卷尘土独鹤翻南翔千里不驻足飘飘指浔阳浔阳多名山飞仙共徜徉晚歲
隱城郭古宮極淒涼千金售邻壤增筑成虚堂流尘断四壁虚白浮中央惜哉今已往吊影空
叹伤赖有贤弟子黄冠挺昂藏区区慕高格绰欲传芬芳逐客蘓太史堂堂国之良言为天下
重墨妙逾珪璋为君易华榜庭户增辉光风流满江左知子非寻常

遊咏真洞贈陶道人

淵明骨已朽陈迹尚可求我复识其孙长鬣青两眸相去仅千載犹能继风流寄迹黄冠中神
姿邈清修相携行洞天暝色藹已浮松寒语栖鶴潭静眠蒼虬兰膏照深夜风磬鸣重楼吾庐
閤三峡清淨亦此侔何时驾鹿车访我西林邱

廖司法挽辭

吾聞廖夫子名大不得觀讀書盡五車行義防前古聚徒从妙齡所至變鄒魯身虽甘陋巷志
欲望伊吕风云苟超騰名教当有补蹉 鬢毛改寸禄晚方取青衫适南营素幔归湓浦秋原
起新阡寂寞一抔土悲歌动閭里清血洒如雨兰玉已含芳行看秀庭户

絕句

高岩有鸟不知名欸语春风入户庭百舌黄鹂方用事汝音虽好复谁听

览秀亭

飞薨巨栋出高墉览秀开亭实有功湓水秋横帘幙外庐山晴落酒杯中俯窺城郭千艘转仰
見星河四面同江左元規存旧觀孟侯还此继高风

归宗道中

朝日未出海杖藜适松门老树暗絕壁萧条闻哀猿迤邐转谷口悠悠见前村农夫争道来聒
聒更笑喧数辰竞一墟邸店如云屯或携布与楮或驱鸡与防纵横箕箒材琐细难具论老翁
主贸易俯仰众所尊区区较寻尺一一手自翻得无筋力疲两鬓埋霜根吾乡东南防百货常
源源金鍔衣短后羣奴列昆仑通衢旅犀象颠倒同篱藩蛟绡与翡翠触目亦已繁少壮供所
役耆年卧高轩翁今处穷独未易听我言且当具盐米归家饭儿孙

寄王慎中教授

高人屏迹匡庐山不入州府今几年煮葵烹藿日一饭目光炯炯明星悬行修道富神所怜絳
帐弟子如云烟忆昨秋风宿曾巘杖藜扣户君未眠塔松影月不到席耿耿惟有青灯然高谈
一倾百虑洗似拂蒿艾披兰荃清诗落笔有余地顷刻百纸珠玑聯錦囊别后有新句勿惜东

使聊相传

夏日山居【十首】

杜宇鸣春已歇蔷薇尚有余花吾庐宛同彭泽绕屋美防交加
苦笋争抽豸角枇杷竞吐骊珠午饭松间睡足茶瓯满泛云腴
纨扇轻裁孤月竹簟冷织防纹呼取凉襟幽吹拂开乱眼浮云
麦浪遥翻陇底云峯忽起空端拄杖支颐松下直须细细吟看
山月明含草木溪风暗度襟裳寂寂帘栊夜半羽虫相趣飞扬
陰洞石床初扫谁来共饭胡麻鸟道新疏碧注为君沉李浮
古径斜依杉竹薰风永日无人噪鹊鸣鸠去后一声幽磬南隣
门外溪行碧玉林梢日堕黄金好景莫愁吟尽防看月出遥岑
山雨洗开林幄梧桐日射荆扉傍砌榴花初吐照人特地光辉
遠壑尚余残照飞蚊已鬧前檐巢燕归来何暮呼童为汝开帘

秋江

赤叶枫林落酒旗白沙洲渚夕阳微数声柔櫓苍茫外何处江村人夜归

周茂叔郎中濂溪

莲花峯下水东出其流长十里漱石齿锵然韵珎璜坡陀瀋野岸炯炯浮明光衣冠有旷士眷
此宜徜徉乞身不待老结屋栖其旁高风慕箕颍不羡尚书郎松菊手自插葱葱蔚连冈了无
川泽营庶以廉自方禽鱼出堦堑讎识矰缴防云山侑几席风月非迎将万事委空洞颓然寄
壶觴诗书藁屋壁教子心独强翹翹防鳳雛炳炳具文章婆娑刷劲翮云汉期翱翔高名与溪
水千载同汤汤

陶宣德逸老堂【二首】

湓浦城南旧隱沦一堂无地可栖尘石床春卧茶 砌撩乱余花堕酒巾

归来诗酒洽天机骚客无烦咏式微三径就荒松菊在洗除蒿艾净秋晖

夜渡采石

沧江夜半月沉辉客子行舟失 弥不用然犀刚照耀波间百恠恶人窥

秋日西园【五首】

日月更代显光华难并留昔人尚行乐俯仰无暂休平居得君子出处常相求良辰援余臂共作西园遊极目瞰平野缅然见苍洲千林澹霁色万韵生凉秋露华溥菊英蔼蔼香可揉叅差间畦垅芋栗森相俦綠蔓无芳姿碧花茂牵牛低回矚篱落树影环清流赏物志已谐何用登蓬邱

山家无外营超然闭幽室蒲团北窓下默坐终永日炎景忽差池凉飈动萧瑟中林多橘柚粲粲垂华实凭高试徘徊幽兴遽超逸云霞散平冈太白空际出禽归杳莫辨积翠鎖深蔚吁哉宇宙间防落竟一物胡为市朝客终歳浪汨没翳吾乐余生胜事良可诘放懷在 身世两俱失

嘗闻晋支遁矫志归沃洲千载激清风邈哉谁与俦余今虽不敏万事非身谋竭来卧穷谷未觉慙先修一法尚无遣何劳问三休卷舒在至理赏咏归优防采薇陟层阿濯足依涧流但惊桂花拆詎识江汉秋沧溟空汗漫无意狎羣鸥

忆昔少壮时意气摩云霓防心黄卷间岂顾白日西由来昧根本旦旦从所迷迹独悟无为文字如委泥物生岂高下至道良自齐青山绕吾庐开户众鸟啼晓日上乔木秋光媚回溪畸人长往来絶壁同攀跻遐天净若扫旷目无端倪楚客一何苦登临独凄凄

秋山夜来雨云气朝尚昏禅庭无来辙但见落叶繁石室暗灯火天容开霁痕耳目思遠适旷然启层轩长謡缓轻防去去穷深源方塘滟清流鳬雁静不喧时遭羲皇翁容与谐笑言邈然采真赏歳晏谁与论

寄题济源令杨君兰轩

昔人慕猗兰脩服比修防往往卒歳间山中行采掇吁哉昔人去已久此花憔悴今谁折济源长官真好古王屋天坛驰遠步阳崖月窟得芳丛满握归来夸所遇净扫幽轩植薜堦紫茎綠叶弄奇姿疎帘风软日华薄芳馥满懷君自知

送琳上人还杭

聚水作一雨多少近遠随所遭或沾枯茭仅濡浹或入巨海成波涛少林真风今百纪怅惜至

此何萧条喜君齐志早寂寞同我十载沦舳舻含冲嗜漠不自厌更欲刺口尝羣肴师门祖席在在有得此失彼良自嘲竭来东南走千里但愿刈楚逢翘翘駛浮长川不憚恶陟彼巨巘寧知劳诚專志苦若有相行断西壤逢英豪金锤扣天 櫂廓玉电激海明珠高星霜因循共千日谁尔使子先行包湖山蜿蜒湖水薄湖上幽人想如昨秋入芙蓉露已溥晓卷帘暑初却明明潭底见行云漫漫空中闻唳鹤此景从来吾已知异乡寧羨君先归由来出处元无隔同看明朝日上时

春日即事呈定海尉葛叔忱

层台宿霞披滴沥朝露湿有客独登临含情空伫立问君伫立何所为报言遠人嘗有期菊花黄日出山去芳草綠时犹未归万壑千岩望何极愿托孤鸿寄消息少年防衍易蹉跎翻恐归来不相识满目春晖花烂熳花防幽禽自相唤纷纷万类皆有从独我参差邈云汉劝君不用长相思容顏消竭神空疲无情况有西楼月夜夜清光照不亏

临平道中

风蒲猎猎弄轻柔欲立蜻蜓不自由五月临平山下路藕花无数满汀洲

寄龙井辨才法师

法师安遠徒我见常磐折頽纲制像运基構甚宏达煌煌四十载说法倾吴越人天防方丈万趾常杂遝蕩然如邱山四座羞蚁垤投老倦挥塵毅然辞且决饥鷹得秋风转盼俄一掣结茆南山陲云萝占幽絕昔我海上还相寻访林樾夜阑叩防要猿鸟寂不聒慧风洒幽襟法雨濯枯枿别来今四载寒暑惊屡閤相望如星辰杳杳各天末何当从杖藜一笑龙 月

载遊鹤林寺

招隱山南寺重来歲已寒风林惊坠雪雨润咽飞湍壁暗诗千首霜清竹万竿东轩谪僊句洗眼共君看

江上秋夜

雨暗苍江晚未晴井梧翻叶动秋声楼头夜半风吹断月在浮云浅处明

邵仲恭许相过金山未至

二月归来江上居江流变渌江鸥去时移物改何足论身世悠悠本非固鸪鸣屋角山雨余花苞破红满芳树晴窓晓日幽兴催振衣出户凌高台潮回浪死风色定缥缈沙岸烟中开故人佳期絕消息满眼空看暮云碧何日扁舟南渡来一洒高风破吾臆

淮王府园与王元规承事同赋【三首】

年少王郎一幅巾杖藜呼我步城闉红泥亭子阑干外絶目遥看万树春
一霎催花骤雨来麝芳堂下锦千堆浪红狂紫浑争发不待商量细细开
蔼蔼春空宿雾披桃溪柳陌共逶迤阿戎莫道无才思细草幽花总要诗
春晚【三首】

叠颖丛条翠欲流午陰浓处听鸣鸠儿童赌罢榆钱去狼籍春风漫不收
晓风池沼水澜翻春尽淮南麦秀寒院落无人日亭午柳花如雪满防干
恠雨盲风卷却春傍栏萧瑟只青筠引雏燕子朝天去回首多情语更频

参寥子诗集卷二

宋 释道潜 撰

邵伯道中【二首】

一道河流远接天两行官柳复萧然村舂历历鸣何防彷彿孤烟落日边

回首山光古寺基拂天寒木耿斜晖孤撑渐与钟声远但见风幡竹外飞

平山堂观雨

午枕藜床梦忽惊柳边雷送雨如倾蜀冈西望芜城路银竹森森十里横

建隆秋夜【二首】

咽声沉香雾销月明金殿影岩峣夜深惟有龕灯在风露满庭人寂寥

娟娟云月照窗扉纸帐形开梦觉时庭下风篁自成韵吹箫安用玉人为

晚步

丛薄萧萧朔吹翻暝鸦辽乱欲投邨江南雪后山无数林表才分翠一防

次韵阎永仁博士同饮蜀井

潭潭古甃閼高冈修綆低悬百尺长庾语乐天推絶特第泉鸿渐许甘凉金盘漫说溥秋露玉盃休夸沃蔗浆更有碧梧盘爽防坐惊亭午失骄阳

次韵永仁见赠

怜君泣血依坟墓虽设衡门不妄开盈几贝多翻百遍同龕弥勒礼千回夜寒幽鸟窥香火歲暮隣僧教往来何日为余重扫榻卧听松韵落清哀

次韵何子温龙圖见赠

春破刊沟古驿旁挥毫邂逅沈东阳自惭击壤无高韵但愧投珠有异光旷达未应输靖节风流可复羨知章我非照镜迷头客一接清欢亦似狂

杨康功待制所藏醉道士石

天官夜燕琼楼春一官大醉頽穹旻飞光贯地若素练百里鸡犬声纷纷吹风洗雨歲月古化此顽石良悲辛楚山之老颇知异濯以涧底清漪沦霓裳彷彿认羽客楮冠数寸横秋云空斋昼间戏一击琅然哀韵还清真我闻天官天所陈虽复暂屈终当伸烈风迅雷一朝作却上苍苍朝紫宸

干明夜坐懷孙莘老学士

余生飘泊犹断蓬讵肯低回附根柢兹焉得坎漫栖止一日从风即轻逝淮南十月寒未苦耿耿虚堂属宵夜星辰错落挂檐庑爽气侵寻入衣袂桐叶声翻玉露圓竹枝影扫金波碎安得南隣庞老翁挥麈堂堂坐相对

维阳府学四柏堂【邹志完待制时为教官】

頓宫本凄凉庭户无冗长苍然余四柏终日清相向夫人擅所有高懷益超放炎蒸五六月大厦如瓮盎凉飈天外来披拂逾一饷恍如乘虚舟破月渡溟涨严冬众木死嶷嶷独无恙非永造化私故与冰雪抗宜亦有神明兹焉陰所相

次韵少防学士送龚深之往金陵见王荆公【四首】

春风随意可嬉娱水有舟航陆有车应笑扬雄未忘我闭门犹着解嘲书

梦幻皆输古竺干功名何用咤燕然美君一棹江南去碧荠时鱼暮雨邊

虎踞龙盘亦漫雄城荒狐兔往来通可人惟有秦淮月出没娟娟波浪中

白下长干春雾披家家桃李粲朝晖悬知一见毗耶老心地如灰不更飞

次韵黄子理宣德田居四时

四序自逶迤田园常局促春阳旋东臯迫我事铤鋤出种曝篱根驱牛饮溪曲晖晖明朝阳聒聒喧布谷頽龄惜筋骸晓睡漫云足蓐食出柴门荷篠赴幽谷褰条视柔桑密叶已舒綠今年气 蚤膏雨厌霖霖隣翁时一来畊耨每相属

离离小麦黄习习南风度桑枣暗蓬麻耘鋤困朝暮种 屋东隅翠蔓已分布黄花引疎篱冉冉欲横路白水漫青秧聯翩下鸥鹭新丝换浊酒肴藪羞薄具洒扫聚比隣环坐防高树稚子羨羸余牵衣傍翁妪牛羊岭外归落日林梢去饷嬾亦还家笑言隔烟雾

邨落已徂暑蚊蝇尚喧啾衡门霁朝雨茆竹归新秋机丝迫隣女轧轧无停休中田藹黄稼烂
慢如云浮綠蚁酿新瓮嘉鲂钓清流瓦尊迟来客礼数忘献酬三杯未肯辞笑语方绸缪时平
盗自隱场圃无宵忧儿孙渐束髮婚嫁迫所谋欸曲从我言归途蹇淹留林端有月色相送前
溪头

朔吹鸣高林回堂冰已结牛羊卧茅屋原塋暗飞雪壮男臂雕弓短后事田猎饥鹰一号呼荒
径洒毛血归来夸意气隣舍呼饮啜明朝过南山更欲穷窟穴寒炉然豆萁光焰时起灭布被
拥娇儿从渠踏里裂老翁寢不寐辗转念鵞鸭篱落易穿窬狐狸恐惊发

和龙直夫秘校细雨【三首】

细雨连阡陌轻云湿不飞池寒鸥自卧巢冷燕催归惨澹疑沈树飘萧忽近帟檐花霑已久稍
欲堕人衣薄雾兼寒雨凌晨霭未分细宜池上见清爱竹邊闻斗帐侵兰梦虚櫺逼蕙薰晚来
欣小霁钩箔见疎云傍砌飘才断从风强更来斑斑泣蛛网浥浥汗江梅薄日光时漏层陰意
未开少陵心易感诗句写清哀

次韵孙传师龙圖防醴泉寺

杨林几曲到城根中有招提气象昏暝雀聚羣盘栋吻老藤垂蔓覆高垣月生归路无灯火巷
转人家有笑言却掩吾庐还寂寞冷风摇幔影翩翻

春晴【二首】

积雨久不破层陰蔽城阙晓来得春风扫荡净六合绰约墙头花依防带残月少年谁家子骅
骝飞蹀躞扬鞭出郊去逸兴生林樾黄鸟弄柔音青梅已堪折行乐须及辰芳时易消歇

寒食东城隅青杨夹驰道高楼暖鳳笙絕曲闻缥缈晴日动秋千飞烟拂瑶草南邻与北里良
辰竞为好人生逆旅间何必事枯槁仰首笑春风兹懷谁与造

东园【三首】

斜照明明射竹篱桑陰翳翳麦蛾飞萧条一径无来辙时见羸牛引犊归

曲渚回塘孰与期杖藜终日自忘归隔林彷彿闻机杵应有人家在翠防

云峰缺处支筇立溪溜声中弄扇行习习南风吹百草幽香知有蕙兰生

淮上【三首】

芦梢向晓战秋风浦口寒潮尚未通日出岸沙多细穴白虾青蟹走无穷
今夜沙头月上迟小萤零碎傍船飞可怜光彩虽无限何似婵娟一寸辉
天阔陰云低抱树沙寒鸥鹭欲亲人小航泊处谁家住修竹疎花宛似春
冬夜防孙莘老司谏书斋【三首】

去马来车声已闌雪云低压暮檐寒地炉山柝烧初熟软语聊为世外欢
碧瓦炉焚裊裊香红柑紫栗更分甞从来乐事人间少不惜归途夜漏长
多病山人能放旷忘縁居士解逍遥蒲团叠足清相向谁道云林胜市朝
晓出土山

绕山修竹晓参差叶叶涂霜坠碧枝日脚渐高风乍起萧萧恰似雨来时

寄蔡彦防主簿

绕舍苍烟晚更凝隔帘新月未多明栖乌着树无余噪老桧唵风有细声客散愈怜真境好定
回犹觉幻身轻可堪俗子能知味此语聊传北郭生

次韵太虚夜坐【少防一字太虚】

古寺冬萧瑟天寒色更冥卷帟延素月转盼失流星炉底眠枯柝窓根立冻餠谭余焚柏子一
燧小烟清

广陵城外埜步呈莘老

林梢聒聒鸟声繁积雪初消涧水浑老树卧波寒影动埜烟浮草夕阳昏风回笛响山前路犬
吠人行竹外村杖屨不知幽兴逺归来新月在柴门

次韵王通叟寺丞见寄

雕斲肝脾欲报功还如献豕过辽东珠玑屡获渊云妙土木曾无粲忍风耿耿吟魂嗟异处迢
迢桂魄漫相同锦囊应有新诗在九曲池邊多塞鸿

寄仲恭

晚雨霁郭郭晴云 纷披曦和拆万物初茎弄葳蕤儵鱼泳弱 漾漾动碧漪缅彼空际山黛影摇参差感此芳菲节美人旷佳期音形眇何方莽莽天一涯长河泮春水华浪激箭驰好凭三尺鲤寄我相思诗

早秋南楼书事

白帝初回天地秋井梧叶老陰尚稠森森爽气入屏幔骨冷魂清无汗流觉来览眺覓佳处挟册独上西南楼崇山广泽坐可挹逺水孤村横道周上窥青天堕海日下瞰白鹤盘庭楸谁令浓陰起层嶂扑扑乱眼如云浮埋林涨壑只俄顷抚袂掩抑将谁俦明星皎月邈难见络纬蟋蟀空啁啾安得风生土囊口万里一扫无停留王孙未归空碧草我思不见徒离忧

和莘老经六合西门水亭懷裴学士

折柳相从地重来失旧柯林光延晚照岸影动霜波碧圃檀栾密朱檐翡翠过主人成异物搔首奈情何

和莘老初至温泉呈庆禅师

年华行已老林莽尚苍苍地胜连龙窟泉温注鬼汤人风逺城市钟梵近僧房九夏来投锡栖心应更凉

参寥子诗集卷三

宋 释道潜 撰

再赋温泉

赭落峯前与世分溶溶汤井翳深云月生滋穴流寒影风入华清皱碧纹暗引石池波宛转暖蒸苔壁气氤氲解衣盘礴南窓下骨肉都融到日曛

次韵莘老遊龙洞

曈眊杲日破林垆杖策相将马暂停路与猿猱争险磴身随鸿鹄入青冥巉岩曲穴疑无底盘屈苍虬信有灵能使谢公诗兴动宛如防刃发新硎

次韵莘老贈显之

盘盘秀岭绕层檐方丈门开挹翠岚风激松梢声间发月留泉底影相涵天机清晓睨台震险句穷宵虎穴探白傅异时脩故事杖藜应许到云庵

虚乐亭

谁搆新亭近翠防似教陶令洽天机池光引月来檐庑竹影踈风到客衣爱酒有时攜玉笋无弦聊自拂金徽人间乐事还能几肯向良辰与物违

次韵朱伯收主簿观雪【二首】

朝来密雪蔽天涯坐目邱园发素华初着败梧惊拥肿久霑庭竹见欹斜水精不动垂千筴云母无声落万家安得苍穹返收拾莫教浪籍浑泥沙

陰风何事吼檐牙夜半窓前变物华梦断只疑蟾影在褰帏俄骇练光斜若侵陋巷凌寒士强入高楼媚酒家霁后请看庭下草蕙兰含緑出晴沙

次韵姜伯辉朝奉宿九曲池

当时楼阙已桑麻陈迹何须置齿牙宛转颓城围緑野嵌崟孤塔背明霞山云度晚飞琼叶海月生秋墮桂花圓峤方壶同笑语终宵疑在水仙家

刊沟絶句

隔屋萧萧风度竹当空粲粲斗翻芒峥嵘歲月人間暮目断云山归兴长

过新开湖寄李端叔大夫

新开湖邊秋夢曉鸡犬无声人悄悄试揭疎篷覩日华水面殘星犹繚繞嘗聞明珠藏巨浸光
防一出輝羣草篙師为我暫停櫓象防終期入幽討波間宛轉兴方豪依然別恨生懷抱故人
离羣東海頭狗祿摧眉事枯槁菰梢萃末翠犹在蕙兰憔悴青楓老浪防不知歲月徙旧約无
端失天杪目羨南鴻兩兩飛安得身同羽翰小防胥堂在吾必行一榻數椽应預扫

都下曉霽

千門昨夜雨萬木曉生光御水浮紅藥宮云麗粉牆轉樓迟日靜紫草亂絲長想像西池路浓
陰覆綠楊

酬邵彦瞻朝奉見寄

揚州從事多文章新詩組織如朝霞高懷忽念朔方客秋風一紙來天涯都城冠盖属休沐解
后过我森如麻开緘傳讀不知厭愕立圓視相惊夸上言音形濶川路下言杖屨埋風沙蹲鴟
正熟邀我返城南古寺无諠嘩我今翩然已東下輕舟早晚从公家平山堂西百尺井請公为
汲烹露芽

訪彭門太守蘓子瞻學士

眉山鬱茆眉水清清淑之氣鍾羣形精瑯美璞不能擅散发宇內為豪英煌煌蘓氏挺三秀豫
章杞梓參青冥少年著書即稽古經緯八極何崢嶸未央宮中初射防落筆防刃揮新硯翰林
醉翁發奇嘆台閣四座爭相惊逡巡傳玩騰眾手一日紙價增都城同時父子擅芳譽芝兰玉
樹羅中庭風流浩蕩搖江海粲若高漢懸明星前年聞公適吳防壺漿跪道人爭迎浮雲流水
付幽討下視世網鴻毛輕野人弱齡不事事白首邱壑甘忘情神仙高標獨未識暫棄夢月人
間行朝吳暮楚失解后恂恂夜夢還惇惇迺來旅食寄梁苑坐嘆白日徒虛盈彭門千里不憚
遠秋風足馬吾能征鈴齋更退属幽歎一看揮塵銀河傾

彭門書事寄少防【三首】

我思君防君思我此語由來自謫仙欲借野人傳紙尾待憑新雁寄辽天

戲馬台邊駐馬蹄回廊曲院總攀躋秦郎前日曾來否試拂凝塵覓旧題

百尺黃樓拂杳冥樓前風物極崢嶸東州詞客渾爭咏獨怪相如賦未成

虚白斋【与子瞻共坐有客馈鱼矜子瞻瞻遣放之遂命赋是诗】

嘉鱼满盘初出水尚有青萍防红尾银腮戢戢畏烹煎掘强有时俄自起彼客殷勤赠使君愿
向中厨荐醪醴使君事道不事腹杞菊终年食甘美传呼慎勿付庖人百步洪邊放清泚回首
无欺子产淳谩道悠然泳波底

子瞻席上令歌舞者求诗戲以此赠

底事东山窈窕娘不将幽梦属襄王禅心已作沾泥絮肯逐春风上下狂

陪子瞻登徐州黄楼

黄花离披秋日短使君无事邀僧饭饭余软语爇香幽共坐圓庵不知晚烛笼持火报黄昏使
君爱客还留连前登修径步超逸后却从御来聯翩城头陰陰未上月城下激激鸣潺湲渔灯
照船沙岸近贾客夜唱声清圓徘徊始转黄楼侧银箭铜壶知几刻栏杆倚遍惜分携泣泣芙
蓉珠露滴

逍遥堂书事呈子瞻

寻常卧云林往往厌闾閻今朝郡斋里岑寂反可爱曦和破帘枕幽鸟语庭际开门面修圃珍
木罗翠盖萧疎旧菊丛裊露有余态主人事天和万虑屏身外劳生一断梗何防考根柢安能
从物役扰扰空卒歲脱巾每相从颇得资傲倪

次韵子瞻饭别

铃阁追随半月强葵心菊脑厌甘凉身行异土老多病路忆故山秋易荒西去想难陪蜀芋南
来应得共吴姜白云出防元无定只恐从风入帝乡

次韵少防寄李齐州

画船京口见停桡萧洒浑疑谢与陶但把好山供胜践不将余论挂尘劳谏垣天上经焚草藩
国年来屡梦刀北客近传新政美未尝因物强吹毛

次韵少防和子理梅花

朔风萧萧方振槁雪压茆斋欲欹倒门前谁送一枝梅问讯山僧少病恼强将笔力为摹寫丽
句已输何逊早碧桃丹杏空自妍嚼蘂麝香无此好先生携酒傍玉丛醉里雄辞惊电扫东溪
不见谪仙人江路还逢少陵老我虽不饮为诗牵不惜山衣同借草要看陶令插花归醉卧清
风轶轩昊

自彭门回止淮上因寄子瞻

竭来淮上卧萧宫回首人间万事空
院静水沉销薄幔睡余寒日耿修桐
南山访古思杯渡北海谈经忆孔融
寂寞蒹葭霜雪后何时重倚玉青葱

与曾逢原寺丞相别

落叶追奔卷地飞淮流转防楚山稀
君骑黄鹄朝天去我忆青松旧壑归
道在不须惊契濶情亲聊用惜分违
岩居禄隐都如梦莫向秋风叹式微

夜泊淮上复寄逢原

黄沙白草满淮垠逆旅萧条思不禁
风约乱云归陇首角催明月出波心
槎头涌处潮初上斗柄移时梦未沉
遥想故人投宿地画船应在碧榆林

晓发桃源寄端叔

桃源渡头鸡一鸣舟子夜起趋南行
泯泯河流浮落月萧萧岸木警秋声
依人翡翠霜翎重拂棹芙蓉露蕊轻
为报旧防朝士说天街何似此中清

赠邹医

君不见宋清市药长安西众工就取资
刀圭疮瘍疾病一皆往所应不必黄金赆
度未能酬辄焚券耻学庸生忧噬脐人人德清
莫肯负日获逺利丰子妻公侯餽遗日相属
螳食华衣乘馭駟罗池神人为作传至今名
誉横云霓邹君业医世淮海泻盛补衰知径蹊
玉函金匱恣探讨拏以自副能不迷顷年西
防抵京室达官贵吏争品题归来乡县颇萧瑟
湖水粘云芳草萋怜余寝瘵古佛刹每辱珍剂
相扶携倾囊倒橐愿为赠唯有圆蒲并杖藜
君闻掉头不我顾止索诗句光衡圭夜披陈编
见清事重嗟此道今如泥君诚有意嗣前躅
篋笥不忧无锦绋

寄蘓子由著作

先生道德若为容曾向南都幕下逢
防俗高标惊万丈凌云逸气蔼千重
低梧暂宿张家鳳浊水难藏许氏龙
歲晚雪霜虽更苦未应憔悴碧岩松

赠子固舍人【二首】

文章炜 动当时隼义虽多不并驰
鮮激頽波旋往古独怜夫子抱青规
山川淑气真能感宇宙雄名岂浪垂
未信长途老天马行看蹴踏上瑶池

吏部遗编久寂寥
穎濱居士亦蓬蒿
支流尽屈江湖濶
众阜争隆泰华高
落落千章挥琬琰
汤汤万顷起波涛
玉堂鸂鶒迟公久
何事崎岖尚梦刀

宿軋明

五更风雨鬧秋堂
梦断篝灯尚有光
明日又为湖上客
船头云水正茫茫

寄莘老

十年手把使君麾
一日归来践赤墀
偶尔梦中成故事
凜然霜后见竒姿
枯茭在昔尝叨防
微蚋于今赖附驰
况有云庵閤深谷
他时香火与君期

寄李公择侍郎

高城夜寂起清风
月下清霜堕晓空
泽国已惊黄橘柚
省垣应对老梧桐
青钱旧数文才妙
碧落新防问望隆
四海倚公调鼎鼐
伫瞻和气洽冲融

俞公达待制挽辞【二首】

金铎哀传静列营
将星飞坠汉蕃惊
森森气与秦山在
奄奄魂随陇水倾
塞路箫笳悲部曲
海天风雨湿铭旌
堪嗟未勒燕然石
遽失连云万里城

东吴佳气久氤氲
果见雄才出海濱
屡试干将羌破胆
忽摧梁木土霑巾
人间梦断黄粱熟
天上楼成白玉新
零落山邱今古事
情钟我輩谩伤神

参寥子诗集卷四

宋 释道潜 撰

春行

朝入春山千万重莫归溪上漫匆匆白沙岸口长回首无数渔灯翠霭中

次韵传师见过

孙郎潇洒逼人衣咫尺尘埃隔蕙帷陋巷有时过佛刹谈经还共惜秋晖百年空果 中谢一寸灵珠象外归久矣此情人不谕援毫聊复为君挥

淮上闻雁寄仲恭

欹枕船舷夜橹停数行南去雁如绳起来欲寄相思字高拂银河唤不应

与怡然夜话

云埋碧瓦寒侵户榻照青灯夜色空故国十年无限事笑谈如在梦魂中

鹤林寺

宛转回廊漫布金萧条寒日堕墙阴门前合抱松千尺黄鹤不来年已深

寄舒尧文教授

经纶满腹贮云霓卓犖邱门道可跻绛帐开时霞影乱青衿立防雁行齐忆亲麈尾焚香夜共惜筠梢落月低别后凤毛知更长五车应已识论题

次韵顺上人寄叔康讲师

少年好诗书龌龊开门户有若丹青徒秉笔学画虎法师当是时声价久已负籍籍东州人高谭慕支许余时迹四方浪涉川陆苦昨夜北山翁挑灯同软语因论乡里贤怅师成独阻南徐号名都兴发历汉楚峥嵘江上山王气埋千古至今风前笛夜夜怨江浦感慨易成吟安得君来伍

次韵顺上人登壽寧閣

昔过广陵日兹楼亦盘桓飞蕙切星斗鸿鹄争危防恍若随扶摇九万直上抟下视古帝基萧条空漫漫当时竞豪华人物镂绮纨孰谓千载后故宫半畊残城西旧辇道缭绕犹屈盘咫尺见萤苑枯桑生昼寒閤间岂复隘狐兔穴已宽楚楚但乔木萋萋无寸山苟非壮士懷往往不忍看青旗催画角回首送飞翰

得端叔淮上书【云长淮秋色清旷顺风扬舲恨不得与君俱之】

飞鸿从西来有客遗我书开缄识远意字字情有余报言厯长淮泛泛乘舳舻天开灭远雾水碧涵空虚超然忘端倪身世疑有无徜徉极幽致恨我失之俱我昔与曾子兹防颇踟蹰风高当白帝露冷凋红蕖扁舟仅半月厯览穷朝晡伊人亦才华俊逸千里驹结交慕豪彦倜傥非迂儒当时欲相从恨子隔海隅今朝子独往我輩还星疎邂逅亦有分夤緣非强圖茫然临西风俛首良自吁庶防有至理去彼形迹拘相望云汉间皎洁同蟾蜍

送慧悟大师还阙下

道人本丘壑浪为京华居一往二十年歲月惊须臾禅余挟妙术出入卿大夫飞扬动天子声闻倾九衢纷彼户外屨泛如水中鳧高懷勸酬应逸赏思江湖春风卷衣袂千古随舳舻中冷涌楼观圓峤连方壶杖防步鰲头直上穷崎岖超然万象外所得良有余兴尽乘白云飘飘还帝都

将之金陵寄侍琪服之秀才

黄昏落防牛渚矶苍石岸黑行人稀渔灯夜深遠近没水鸟月明来去飞瓶盂渐与南斗濶身世东去将焉为钟山咫尺行可及防当与子同遨嬉

钟山夜月

禹壑千岩夜未央月华松色共苍苍上方已觉无人语金殿谁焚柏子香

睡起

红芳落尽踏青青哑咤黄鹂隔树鸣午睡觉来听不足杖藜重过竹陰行

曾子固舍人挽辞【二首】

命世高标见实难狂澜既倒赖公还学穷防夏渊源际文列班扬伯仲间落落声尘随逝水防论著在名山凄凉四海门人泪想对秋风为一潜

雄词大册破幽昏返覆难窥斧凿痕投老雍容归法从衒衰仓卒去都门云泉已负高秋约江

渚空悲静夜魂谁与朝廷终太史君王应待 鸪原

子瞻赴守湖州【少防与余回载因防惠山览唐处士王武陵宴羣朱宿诗追用其韵各赋三首】

山烟弄灭没山木含葱苍刺舟傍遥岸理防升虚堂周遭瞩层巘矫矫如翱翔下瞰平田流澹然浮日光青篛解初箬洗两闻清香虽云迫前途真赏岂易忘

松门暗朝雨寂历无行人隆曦忽穿漏卉木蔚以新塔泉漱石齿照眼光磷磷使君美无度卓犖遗嚣尘风标傲竹柏谈笑凌穹旻何愧沈冥子卧霞吞结隣扬防渡江来洗眼惊翠樾云姿既容裔鸟哢更清絕凌梯访前踪琬琰亦未灭嗟我鱼目光畴能缀明月狂墨扫琅玕风烟坐中发殊胜区中人茫茫走飞辙

吴江垂虹亭同赋得岸字

蜿蜒夸长虹吴防称杰观沧漣几万顷放目失浪岸倒影射遥山青螺防空半从来夸震泽胜事无昏旦破浪涌长髻排空度飞翰肺肝入清境划若春水泮安得凌九垓从公防汗漫

同吴兴尉钱济明南溪泛舟

枇杷弄实梅欲黄海气 错昏昼僧房亭午隘可鄙画舸从君逐溪溜斗欣纷翳眼前失但觉波光翻縠绉苹花洗雨白雪香荷柄吹风青玉瘦回看行人走南北蠢蠢岸傍如蚁鬪一竿落日丽樵明绕郭云山相倚搆嶙嶙青壁映彤霞转盼忽惊开锦绣好将杰句为余写天乞君才多颖茂锦囊玉刻厌传玩燕尾蚕头吾未究轻桡欲动蹇淹留城上哀笳凄已奏

吴兴道中寄子瞻与少防同赋

弱性嗜幽散出门随所便莲房纷可袭林幄正高褰羣木含晨景孤撑破宿烟逶迤屯秀防宛转滢清漣岸匝藤花暗崖垂桂影圆引雏鸣鵲鵙鲜箬露婣娟悦若经愚谷浑疑渡辋川葑田青泛泛石葛蔓绵绵缅想醉山简相从狂谪仙援毫更妙韵愧乏碧云妍

田居四时

原隰春风暖池塘雁北翔晓耕云坞润午饭野芹香燕子依茆栋花枝过土墙东阡与南陌生事日皇皇

五月梅争熟村村桑柘稀茜裙蚕妇瘦粉翅乳鷺肥菱蔓滋溪雨藤花鎖钓矶呼儿行采去亭午 荆扉

刈获终吾事田园日向闲晚香增橘柚潦水耗汀湾聚噪栖鸦定孤吹牧豎还儿童惊野烧一片起前山汨汨防浓雾穷冬亦漫劳茆檐催日午篱落听鸡号腊近还移竹宵闲更索绚春风归早晚行见事东臯夏日龙井书事【呈辨才法师兼寄吴兴蕲太守并秦少防少防时在越】

翠 高萝结昼陰骄阳无地迫吾身石崖细听红泉落林菓初尝碧柰新挥麈已欣从惠远谈经终恨少遗民何时暂着登山屐夹岸乌纱漉酒巾

雨过千岩爽气新孤懷入夜与谁隣风蝉故故频移树山月时时自近人礼乐汝其攻我短形骸吾已付天真露华渐冷飞蚊息窓里吟灯亦可亲

自怜多病畏炎曦长夏投踪此最宜青石白沙含浅濑碧梧苍竹聒凉飈云中鸡犬听难辨谷口渔樵问不知斑杖芒屨随步逺归来幽火认茆茨

竭来人外慰栖迟谷逺山长万事遗好鸟未尝嗤俗韵白云还解弄奇姿藤花冉冉青当户竹色娟娟碧过篱不羨故人探禹穴短桡孤榜逐涟漪

寄俞伯谟宣义昆仲【二首】

谢家兰玉竞芬芳千里南来未易忘犹忆娑罗防树院月明相对坐胡床

多病侵寻鬓已霜昔年交友半殊方吴台松柏今何似想见龙蛇数尺长

夏夜

斗帐昏昏夜气蒸移牀趁月卧中庭紫防花露霑衣冷飈觉华胥梦易醒

送楚上人还广陵庆禅师法席

吾乡少年多齷齪投老家山犹恋着何异醯鸡舞瓮天肯信十方无壁落羨君壮懷慕逺举万里云山行荦确荆江洞庭虚浩 斂衽浮杯心自若去年腊月过湓城聆我幽踪卧云壑竭来相从慰契濶笑语逸发惊 鹤春风又复卷征衣问子东去将何为广陵城西古佛刹中有老禅吾所师当年与君共伏役妙道彷彿窥籀籒别来星霜叹已久夜梦往往神魂驰真金虽已出顽鑛鍛鍊岂厌增钳锤纵横法缚断除尽了了方为狮子儿

晚兴

墙角风欺竹影斜数声啼尽欲栖鸦重门已闭断还往独卷疎帘进月华

下湖晚归

屈曲莎隄引兴长肯辞芒屨踏秋霜归来已奏孤城角撩乱梅花落粉墙

秋日西湖【六首】

两山斜抱翠逶迤一水中间似漾陂孤榜独来还独往鸬鹚鸂鶒莫相疑

琤然一叶堕空庭似唤幽人梦欲醒斜倚素屏褰翠幔沉香烟吐博山青

南山爽气对朝扉竹露吹风更湿衣可是吟魂怯清景何妨着屐步苔矶

飞来双鹭落寒汀秋水无痕玉镜清疎蓼黄芦宜掩映沙边危立太分明

欲跨高楼旷远情无端秋雨苦崢嶸日脚漏云防瞥见遥山一抹青

西风夜半卷庭槐卧听隣翁晓圃开稚子相呼入林去应知病菓落莓苔

晨起

窓扉晓辟对平湖爽气侵寻冷入肤林迥霜黄垂橘柚渚清沙碧老菰蒲忘机鸥鹭元相狎得食猿猱不用呼防目骋懷心正逸更憑高防立須臾

参寥子诗集卷五

宋 释道潜撰

戲招李无悔秀才

淋漓一雨过秋山洗出西湖小
霁天炯炯鱼鳞含倒景飘飘羊角卷荒阡
野塘白芡珠盈斗幽浦红蕖锦绕船
冷炙残杯当已厌好来波际弄婵娟

西湖雪霁寄彦瞻

西湖漫天三日雪上下一色迷空虚
层峦沓嶂杳难辨彷彿楼观疑有无
饥雏乳兽失所食飞走阡陌空号呼
中园却羡啄木鸟利嘴自解谋朝哺
晓来钟鼓报新霁天半稍稍分浮圖
试凭高楼肆远目千里颠倒罗琼琚
逡巡夜月出海角光彩猛射来城隅
方壶圓峤只在眼绰约恍晤神仙居
咄哉浩景似欺压谓我不足为传摸
风流江左杜从事气格豪赡凌相如
安得飘飘跨鸾鹄手持栗尾来为书

次韵彦瞻舟次三壑见寄

雪消幽港涨漪涟草际晴丝冒细烟
避桨轻鸥翻防防亚墙修竹静娟娟
风流逺继东山后诗句高凌北斗邊
何日去寻阳美路相携青嶂弄云泉

次韵彦瞻樊良道中

几日官河冻不流朝来微暖始通舟
江梅破蘂香犹浅汀草埋沙綠未浮
修网横川鱼乍集晴云开野雪初收
探珠既已从骊颔何用区区入海搜

寄张明甫朝奉

昔公令吾乡綠髮气方壮鸣弦坐高堂
百里肃清旷良辰骋遨嬉茧足履青嶂
当时陪杖屨笑语相颺颺论文希邺都
乐事敦可尚铜章既云解余亦航海上
悠悠亘六载天角空相望竭来石头城
邂逅慰离怆携手雨花台俛仰得超放
瓶盂徙京口冉冉抱微恙扁舟乱江来
起我神益王浮云共平生飘忽无定向
去年客梁园尘土纷冗长狙失林木憔悴
无优况独有青桂枝冰雪不凋防惠然肯
过从香积仍接饷秋风迫南还危防高且
张落日通津门转盼增惋怅寢寐见高标
幽魂惊夜帐相忘同海鱼千里各云浪

探梅

问讯风篁岭下梅疎枝冷蘂未全开
繁英待得浑如雪霜晓无人我独来

歲寒亭

草枯蓬断正纷纷翠榦排檐不改陰自是孤根难挫抑骄霜傲雪本无心

与元规话别【二首】

湖水苍茫四接天短篷孤榜数回旋想君东海东头梦犹在汀洲白鸟邊

雷岫庵南千种梅含芳準拟为君开冷香秀色谁为主趣取花时更一来

春日【二首】

兰英蕙萼竞芳新左右吹香暗袭人江海久无骚客赋一枝唯可荐灵均

清溪白石晓磷磷洗露桃花两岸新欲覓刘郎家住防但闻鸡犬不逢人

春词【三首】

轻云着地柳垂丝百尺高台独步时遥爱南隣红杏树晓来新有过墙枝

蒙蒙小雨暗池塘遠树依防不辨行可是晚来风更恶杏花香乱扑回廊

水开池面初浮綠日促花梢始破红谩道春光来眼底茫然无意对芳丛

驻景楼

额额高楼古道傍楼前风物鬱攸攸溪声不断来幽耳山色常时在小窓金鼎养丹尝驻景玉
罇倾酒屡空缸宋清卖药长安市千载佳名与子防

程公辟给事罢防稽道过钱塘因以诗见赠【二首】

尝闻钟鼓过蓬莱席上无非八斗才刻烛挥毫公屡胜投壶饮醕客先頽老元格调真难继短
李风流不易陪鉴水稽山行乐处后车长是载邹枚

江干千骑送朱轮父老无縁借防恂吴国旌旂开白日越溪桃李失青春雄名素与珠星烂妙
质长随玉树新当宁比闻思旧德万方行见入洪钧

寄济明

茫乎一气同浑沦弥漫六合无垠垠吁哉破散几千载被在万物含其真清轻为天浊为地一
一厚薄理自匀驾骀骥不并廐夜光鱼目难相亲钱郎少年稟清裔英姿绰欲挥等伦忠言
说论蹶根本行义修笃无缁磷是家严君抱劲烈直笔曾预螭头臣我昔浮防雪溪侧倾盖遇
子情弥欣炎云烧空五六月漾舟南郭吟青苹溪流宽围野桥碧溪树静啸凉飈新奇探险取
得佳句欲压柳恽江南春瓶盂属我暂行役乐事一跌成参辰使君旋亦报西去纷纷万变难
重陈南山暮冬厚积雪刚茂不死期松筠

江行寄俞仲宽察院

潮回沙浦寒月落山未晓驾言江上行行远心亦悄茆屋两三家鸡声闻缥缈轻风飏垂杨芳
枝何裊裊上有防鸣禽下有蕙兰草蒸蒸物已繁灼灼花更好时见頰尾鳞跳波泳纹藻即事
起幽情情舍结怀抱故交如参辰咫尺旷烟岛红日已三竿回辕白沙道但闻萧苇间拏音飞
杳杳

春日襟兴【十首】

池南池北日融融水荇风蒲各占丛幸有花枝能照眼可无诗句补春工

城根野水绿透沱飏飏风船掠岸过日暮蕙兰无防采渚花汀草占春多

柳外披烟舒远目花边植杖坐芳茵能言百舌深藏叶解舞鸂鶒不避人

雨阁中庭暖日浮春禽百种聚喧啾粉腰蜂子尤无赖挠遍花须未肯休

去岁春风上苑行烂窥红紫厌平生而今眼底无姚魏浪蘩浮花懒问名

碧流如镜转春渠时送残红出雨余可怕莓苔黏屐齿强扶筇竹过隣居

雨洗楼头碧瓦昏五更残月堕金盆辘轳索转玉绳晓花底宿禽无数喧

梅梢青子大如钱惭愧春光又一年亭午无人初破睡杜防声在柳花边

戢戢篱根紫笋长满城桃李罢芬芳东风虽是无情物送谢迎繁亦更忙

树萱移菊 春荣沐雨梳风擢翠茎童子新能理荒秽不教萧艾并丛生

雪堂雨中

梢林急雨暮凄凄帘幙风灯暗欲迷向晓请看南陌上一番红素掩春泥

春日赤壁【二首】

滟滟春江水拍提防防出没羨鳬鹭白沙青石无泥滓且遂东风进杖藜

萧瑟江梅树树空兰芽犹短未成丛行穷赤壁山西路只有桃花一样红

留别雪堂呈子瞻

防杖南来寄雪堂眼看花絮老风光主人今是天涯客明日孤防下渺茫

寄题徐德之先生闲轩

建安自古多僇髦徐子磊落尤其豪论兵说剑走湖海身勤事左无所遭綠林五校已屠脍黑
衣三卫羞徒劳归来故山便卜筑脱弃万事轻鸿毛横前涧水漱哀玉傍舍老櫪藏飞獠山蔬
何用羨粱肉鹤髦未必输青袍追云弄月有真趣慎勿轻语传儿曹

九江与东坡居士话别

雪水黄楼赤壁间胜遊长得共跻攀屠龙冉冉空三载窺豹悠悠愧一斑投锡云林聊避暑絕
江舟楫自东还求田问舍知何防杖屨他时访小山

赠潘邠老秀才

去年云梦泽南州为访太史尝淹留东坡寒碧最佳防恨不得子同遨遊今年庐山深且宵感
君忽来慰枯槁溪月岩云亦有情昨夜为君顔色好飘飘綠髮方妙年圖史满腹皆精妍挥毫
应敌风雨快咳唾落纸珠玑圆广文英豪仅数千逸羣驥子谁与肩男儿穷通故有命劝子未
宜嗟蹭蹬丈夫蓋棺事始定他日雄飞雕鹗劲草草论文未有涯匆匆别我却还家秋风更约
通 府共访仙人卧彩霞【邠老尝约余重防于太平观】

酬周元翁推官见赠

南来济济多俊良声闻逸发推周郎词场较艺一战捷笔阵独扫千人强炯然眉目行且贵驥
足万里看腾骧吟诗作赋不媚俗期与往者同芬芳断璋残璧忽我赠把玩溢目惊辉光自嗟
行李久萧瑟安得置之云锦囊又闻跨马欲过我此意想君非渺茫山中草木最宜夏雨余一
一含幽香雏莺乳燕学飞舞叶底哑咤调圓吭防干笋蕨虽也老璫错梅杏犹可尝陰崖碧洞
不受暑谷风习习吹衣凉提携为子扫盘石谭笑共坐莓苔苍宣毫越楮须盛载吟取佳句还
巾箱

南康与曾子宣内翰相别抵暮大风闻泊舟神林浦因以诗寄之

旗亭方喜防高标杞国天崩促去桡星渚风花朝冉冉神林雨脚暮萧萧飞流溅沫江翻怒拆岸頽沙蜃倚骄遥想英雄济川手壮懷宁复畏倾摇

曾子开吏部服阕赴召道过庐山与余宿防东林观子固舍人题名一首

驿骑駉駉破夕烟西来遇我虎溪前征途乍即应劳止陈迹重窥更 然天上归瞻新日月山中行覩旧林泉感时抚事情何极且伴幽人此夜禅

过公择藏书室

我公昔未仕托踪此山阿牙籤列圖史万卷堆嵯峨披剥得精要卷衣辞薜萝一住三十年功名叹蹉 公今陟台省壮志应未磨出防独不谬纷纷当奈何脱身早来归挂冠旧庭柯松窓展故帙炯炯临羲娥岂复求甚解聊将寄天和勿忧野马集勿念虫网罗山祇善守防早晚潜挥诃

双溪晚步懷少防子实

亭午炎威剧风溪破晓行纡余怜野钓错落见长庚翻藻鱼呈媚梢林露献清二豪俱二阙此乐与谁并

参寥子诗集卷六

宋 释道潜 撰

寄王元均奉议昆仲

崇文学士后二子皆翹翹异哉荆山麓产此英琼瑶婆娑翰墨场文彩相蔚饶顷我未知识寸心徒摇摇前年广陵城防合如有招名都冠淮海气象古所豪林园若基置佳处遗尘器良辰肯浪负杖防同嬉邀清谭落玉麈亶亶如闻韶歲晏乐未阕离羣复萧萧扁舟 一叶出没随江潮云山列千里庐霍尤峒嶢孤懷喜自放跨蹠岂憚劳所嗟无二陆相我吟风骚

庐山杂兴【四首】

溪石斑斑舞碎光岩花冉冉馥幽香当时吴猛逢山处金阙横开在上方

隔崖垂蔓蔚苍苍隱见莓苔旧石牀定有飞仙集其下月明时复度笙簧

高松夹道夕阳明抱叶风蝉引细声劝尔行人聊驻足出山无物更防清

星渚江邊月已生石桥归路夜崢嶸西风散入松千树翻覆银河秋浪声

宿回峰院寄黄择中察院

秋堂立四壁物色夜萧然藜床抱孤影起坐未成眠层飈激高梧万动接虚警感至情先谢理神预领铜壶漏未央扶杖起彷徨方塘溢繁荇冷月下疎篁踟躕步空除风带裊霜裾泯余契幽独怅子隔川途短短袖中书明发欲谁寄梁上木鲤鱼傥能将此意古亦有相思吾今何所遗浩歌望云水期子与同归

寄史院王正仲曾子开二学士

太史久不作千秋想前人朝廷理故事董职须絶伦青钱两学士班马相并隣婆娑金闺中婉变得所亲学海扬波澜词林蔼芳春青编炳金牕允显无曲陈翹翹茂令德諤諤防縉绅玉堂行见跻清切凌紫宸野人蹈江海放浪无邊垠相思邈何许共此青桂轮

寄东坡昆仲

江南十月天未霜木梢冉冉犹青苍烟沙篁竹媚两岸亭午气 如春阳吴檣楚柂自纷扰花鸭鸕鶿殊未忙深湾野浦望不剧苇间隱隱闻渔粮黄昏无云桂魄满一川秀色倾银潢何人隔岸弄长笛吹风渡水声悲凉兰台故人天一方美景乐事谁相将船窓欹枕夜未央杳杳孤

云空飞扬

梅花寄章仲释法曹

蕙死兰枯惊岁晏玉蕤初发照溪寒从来吴苑墙头见不似匡庐谷底看月浸繁枝香冉冉露浮红萼晓团团防军诗格追何逊应笑山人自考槃

梅花【三首】

云英粲粲笑相重结子能防鼎鼐功茜杏妖桃绿格俗含芳不得与君同

造化推排力自强非关着意占年芳繁霜乱雪虚埋没倾国人知有此香

枝头灼灼烂生光弄日骄寒倚短墙欲赋却慙无妙手使人操笔忆何郎

寄福州太守孙莘老龙圖

公子自淮海弱不游羣儿良哉白玉质炯炯无磷缁澡身以道德余弃为文词端防处庠序邈有孔孟姿一朝擅高名卓然动京师余辉耀天末如斗箕校讐芸阁中精义无防差同时鹄鹭行半已翔鳳池两登谏官室抗疏犯天威扬舲去江海旷岁成流离朱轮拥苍雪五马从合肥编氓仰遗爱堕泪存丰碑归来邁风树憔悴不展眉借苦一室中四壁无重帟南隣有古刹而我方栖迟杖藜时过公泣血闻嗟咨从容劝我坐一饭常共为蒸蒸沸古鼎防防投园葵客来慵应门客去知为谁礼防事云既始领吴门麾瓶盂走梁苑恨不相追随秋风函东下旌旆俄已睽浮川与遵陆多病亦云疲七闽富名山空翠相逶迤在昔慕仁智於今慰遨嬉棠陰想初坐吏案纷交驰庖刀一为解往往无子遗麦秋荐丹实梅雨裁纖絺黄金燕佳客柔指鸣哀丝万事不芥蒂美公能自怡

闻子由舟及南昌以寄之

高安居士实人龙五载南迁道愈丰域外城池刚自守人间膏火詎能攻屡嗟江海星霜隔行喜云林笑语同五老峰前佳气象待君一醉吐长虹

和子由彭蠡湖遇风雪

夫子经济材妙质静而默当年大廷中如堵观射策雄哉贤父兄一日并辉赫勲业望防龙宁论二千石扶摇吝不惜因此垂天翼五载贬筠阳区区校寻尺盐车厄骥足道路行叹惜脱身当岁晏行李唯典籍高懷久达观不见憔悴色悠悠东下船晚次彭蠡侧江风忽崩腾江水翻且黑飘风断黄芦落雁委砂磧鷺毛飞雪片满野来无极龙骧飞万斛欲进不可得淹留向汀湾萧瑟日将夕黄昏势渐壮夜半已堆积鱼龙亦悲啸凜气增几席青灯冷不眠坐漱元和液

危檣翻晓鸦霁日动窓隙褰帟望庐山万仞絕寸碧茫茫银世界荡荡月阊域顺流复前趋百里俄顷刻暂停篙櫓喧却着登山屐五老笑相迎千岩委圭璧纷纷林下士洗眼冀一识松门共邀迓香雾浮羃羃相将拥寒炉软语同夙昔堂堂赤眼师既往有遗迹惇然宰堵波缥缈根石壁清晨陪拄杖缓步蹑山肋徘徊憩苍岭左右抗松猿猱侮僮仆上下或戲劇巴僧眉半雪解后语乡国却返朱砂峯招提更岑寂中藏李氏书盛事夸絕特东坡老居士迹亦有题墨一览慰君心都忘遠行役

寄俞秀老清老二居士【三首】

风溪云巘雪消初鸟变春声满屋除安得故人同蜡屐石梁斜日看遊鱼

落星江水接天流花絮飞时暮雨收波底鲤鱼东去否尺书烦汝到扬州

惭愧君家好弟兄风流宜与晋人并青鞋布袜防从我共入庐山深处行

庐山道中懷子瞻

谷口晴云散晓光鸟声呼我渡横塘轻明独爱桃花静撩乱偏嫌柳絮狂处处丛祠起箫鼓家家篱落动耕桑去年今日东坡路拄杖相将探海棠

酬周亨叔主簿见赠

庐山百里蟠穹苍絕顶陰云常下覆晴日天风忽扫除翠壁千层开锦绣我来庐山初得君爱君面有庐山秀长篇险韵使我惊忽获风流云散后气味清新满牙颊如入洞庭尝橘柚梅子如钱柳絮飞杜防哀号山雨昼念君明当京邑行马蹄蹴踏春泥约黄陂新息道路迥埜饭藜羹须强餽天街到日夏渐热车毂如摩汗如溜丈夫功名非苟取劝子未用轻蓝绶山中五月早归来涧底清冷当共漱

访荆国王公【三首】

浩荡经纶志已行北山归老思可妨渡水穿云客拄杖芒屨到户庭

博辩旧闻轻孟子谈经早不愧扬雄惠能伎俩元无有还许从容广座中

若嫌荣禄早收身归与渔樵共隱沦白下门西山迤邐兴来长是岸乌巾

谒上竺观音大士

十年江海去飘然魂梦长依鹫岭邊月地云堦重到防殷勤稽首白衣仙

次韵元翁见寄

十载离羣叹 茫良辰无地可相羊何时却入莲花社软语重焚柏子香蔼蔼春风摇几席纷纷啼鸟满林塘欲凭海燕传消息径入君家旧屋梁

病中四絕句呈刘景文左藏

一室寥寥北岭隈午窗孤枕梦初回无端自是风惊竹错认旁人问疾来

西风薄木晚飕飕古屋无人夜更幽童子未闲煎药火隔窗灯影漫悠悠

高梧挂月照床头聒砌寒蛩似怨秋我病尚能安静默尔曹无事苦啁啾

竹里鸣鸦晓欲飞遽褰疎箔望朝晖莫嫌山色经秋瘦我亦秋来减带围

余初入智果院【蘓翰林率賓客相送者十六人各赋诗一章】

泰山屹天下四海同仰止我公命世英突兀等於是曾中廓秋汉皎絕微云滓当年事危言轩冕如脱屣正贵知我希寧慚不吾以风云果再符六翮挑空起一昨厌承明抗章求迺邈余杭右雄藩比屋富生齿立谈政即成兴不负山水雍容敦末契访我顽且鄙大旆辉松门禽猿亦惊喜森森门下士左右灿朱履使君道德姿圭角非所恃软语如春风薰然着桃李今朝真胜事千载足遗美安得笔如椽磨崖为公纪

龙井辯才老师新亭初成有诗呈府帅翰林俾余继和辄次元韵

遠公吾家杰道妙非壶邱德倾龙象侶貌蓋江湖秋平生经纶学不为名相留滔滔若悬瀑下注万丈湫昔年谢讲事众挽不转头剗心老岩穴百念本不浮东南多望士唯见此老优翰林天下公方外寔輩流旌旗虎溪路竟日泉石防众生病未已师意可忘忧

次韵蘓仲豫承务寄伯达推官

蘓子真豪英气貌严且重防无儿女姿嗜好百不动唯余读书事乃与古人共文章造深淳词力寬不纵乐哉贤父兄道义日相从昨朝西湖外目极孤鸿送高防去百里山水乏吟弄作诗投置邮但述鵲原梦

辨才生日

像末真风恐不传故生豪杰为人天慈航横截三千界法雨均沾四十年独鹤精神秋始健长松根节老弥坚莫将有物观无象唾雾水轮处处圓

寄题鲜颐堂

道人还家今几时筑室构堂名鲜颐尺书三遣要我赋我独老矣何能为尘埃笔砚试料理肝肺枯槁源不滋为君苦思强抽轧词慳气迫无逶迤东阳自古号多士文采风流世有之堂成往往献佳句罗列四壁皆瑰奇譬如钧天已九奏安用击筑鸣参差又如玉石厌方丈葵藿欲进旁必 他年但约访君去借君几席聊偃欹堂中挿架足书史牙籤玉轴当细窥

送仲豫叔党二承务赴试春闱

炯炯防黄鹄雍容振羽仪风高辞泽国歳莫及天池文彩非凡近周旋竞陆离明年翱集防九万是君期

同蘓文饶主簿西湖夜泛

鳳咮山头暮靄空月娥飞出广寒宫初登桂楫横湖去似觉银河有路通

掠草飞萤星防防眠沙宿鹭玉丛丛从来江搃文才妙请付毫端刻画中

酬钱塘宰王昭叔朝奉

令尹胷中万斛寛簿书堆案岂相关挥毫手过庖刀疾访胜心同止水闲竹日映檐光破碎雪云开岭翠连环自嗟不及 山逺坐对渊明祗愧顔

景文宠示四月十七日翰林公过龙山真觉院赏枇杷五言一章景文已和之复使余继其后

脱畧今山简能吟旧子春偶因寻胜出不为采芳人红紫千葩尽甘酸万颗新江云浮翠壁靄靄散鱼鳞

夏夜懷景文路分

层栏霁晚雨余响犹滴 天风吹浮云入夜已无迹月波泛修竹滟滟流几席兰膏灭众炬凉气满四壁蕙烟擢铜炉暗触鼻端息藜牀但危坐万想本空寂肺肝既冷然纨扇亦暂释将军不吾期乐事空自得愿言赋长謡为我记此夕

次韵景文防朱充仁大夫魏敏中朝奉矜望湖楼长句

高楼冠浮云下瞰百顷湖清漪照两岸秀色含菰蒲骚人富笔力领畧惊须臾短长随万象肯议鹤与鳬二客各英妙温温右为徒从公文字饮所乐非歌呼酒酣挹诸山高下如迎趋篮舆复迢迢逺访飞来孤炎蒸近亭午天地如大炉石泉饮吾庐快意犹过屠松门彻九里始见灵

山隅佳名自开皇籍甚闻中区幽芳不时艷地胜乃滋濡招提数四海雄观宜且无归途憇壽
星寒碧森万株萧骚聒众响孰辨笙与竽擡眸矚新榜蔚蔚气自殊将军恋清絕欢容頽玉壶
道人烹露芽满盞浮云腴恍无方外姿未可同此娛

寒食日蘓翰林同马仲玉提刑过访有诗示怡然并余余次韵

使君薄珪组富贵良易足一麾下东南千里争拭目援毫赋山水词力防溪谷胜遊便杖履聒
耳厌丝竹西湖破春冰晓涨翻晴綠相将二使輶导从还屏逐后先度岩壑颉颃追鸾鹄乐事
殊未央酒行宜局促风流俄醉舞坐客瞻頽玉嵇阮真达生秦唐谩歌哭斜阳絕湖去两桨凌
波速却寻元龙居隱隱隔乔木到门呼主人展画满高屋夕鼓来遠近雨声飘断续篮輿入城
市夹道鬧灯烛盛事在余杭他年见圖錄

参寥子诗集卷七

宋 释道潜 撰

别苏翰林

四海窥人物其谁似我公
论交容未契许国见深衷
渐远吴天月行披禁殿风
玉堂清夜梦解后过江东

送景文

交遊尽四海厚我乃无几
刘侯躯七尺堂堂信英伟
中刚冷如鉄万事肯料理
相逢倾盖余眷眷极终始
东南久彻警将领用儒士
三年湖上遊属得陪履齿
长謡傲云壑草木俱披靡
词锋剉万象搜索泣山鬼
珠玑溢锦囊所得真富矣
轩冕本倘来功名徒尔耳
一防闻已卜视此犹脱屣
歲晚 庐山高栖踵前轨

赠太守林子中待制

拭目除书下九天邦人争贺使君贤
风流谢守宣城日恺悌龚公渤海年
终作盐梅均鼎鼐且憑觴豆乐山川
一門棣萼登台省盛事駸駸海内传

四照阁奉陪辩才老师夜坐懷少防学士

猿鸟投林已寂然芭蕉过雨小楼前
云依絶壁中间破月自遥峰缺处圓
照坐不须红蜡炬可人唯有蕙炉烟
校讐御府圖書客畴昔还同此夜禪

赠天竺聪道人

完完明月珠蓄彼万丈渊
径寸不可覩余辉媚清川
道人寔有道胶口默不传心
闲气自和眉宇常藹然邦人
昔致师欲以居法筵文彩动
帅府礼数端亦防 鸿避网罗
矫翼从高骞竭来灵山隅圓蒲
味深禪盛德不自显与物同周
旋儿曹恃文采毫末争丑妍
相逢广坐间肯顾斯人贤茫茫
大化中浮名暂腥膻吾知道人意
反汝生哀怜

送僧遊天台

梅邊孤起碧千寻俯仰应酬壮观心
峭壁断崖当歲晏冷云疎雪上衣襟
论懷此日能倾倒尺素他时嗣好音
摘胜穷幽吾老矣杖藜无复伴登临

览黄子理诗卷

六载南官何所营百篇翻覆见高情霜鸥露鹄元非俗雪竹风松本自清俊逸固宜凌鲍照优防真已逼渊明微言防有知君者漫拟钟嵘试一评

梅花寄汝陰蘓太守

湖山摇落歲方悲又见梅花破玉蕤一树轻明侵晓岸数枝清瘦耿疎篱良辰易失空回首习气难忘尚有诗所向皆公旧题墨肯辜鱼鸟却来期

次韵陈敏善秀才见过

投老形骸真木偶水饮岩栖聊自守世事浮云日变迁我亦何心预臧否故人新自广陵来问我诗囊近何有吾言淡薄非橄榄纵可咀嚼聊能久且开窗户话平生湖色山光翠相纠烘檐暖日气味好相对蒲团复支肘爱君年少擅才华诗律清妍无可丑却愁征棹促君还空听阳关词一首

都僧正慈大师挽词

领袖吾家事由来二十春虚懷防应物真气肯随人逝水流方遠临池墨尚新声闻防树子不见叶间身【育王山大觉禪师以罗汉木赠蘓翰林蘓反以贈师凡植二十年叶间生青如比邱形谓之罗汉木师嘗指此语余曰吾不复见此罗汉之生也故及之】

平生轻长物身世等鸿毛誉出东南早人惊节义高玩奇惟水石结客尽英豪来往元无迹情钟漫郁陶伏枕时无几临分若故常寸心防炯炯去路岂茫茫车马门犹盛芝兰室更香独余庭下竹冷韵起悲凉

次韵吴承老推官观开西湖

伟人谋议不求多事定纷纷自唯阿尽放 鱼还渌净肯容萧苇障前坡一朝美事谁能纪百尺苍崖尚可磨天上列星当亦喜月明时下浴清波【列星事出教中】

都僧正既阙子中待制欲余补其位辄辞以小诗遂获免

佩德懷恩岂易陈自嗟麋鹿性难驯流年日月无多子乞取山林放旷身

送子中待制【三首】

翺翺孤鳳凰安巢本阿阁偶来依泽国归兴遂淹泊江山迫歲华草木正摇落霜空肃万里纖翳无处着翻然整羽仪一举在寥廓

南山有佳木秀色何葳蕤封植不记年落落今百围盘根虽自固烈风无时吹匠手营大厦众材得施为伟哉梁栋姿取用不可迟

平生长乐公声华越三纪文章两京齐学术防夏比螭头足未安符竹已屡徙聯翩开幙府烂熳树桃李锋车入帝乡天马行九轨周旋有程度弩驾安足拟

晓发苕溪将次径山呈通判廖明畧学士

明星耿耿出天东结束篮舆伴我公蔼蔼梅香侵晓陌斑斑旗脚转春风胜防此日尘埃外回首他年梦寐中絶景小诗难壮观当年醉笔吐长虹

次韵王行甫奉议湖上晚归遇雨

妙龄公子嗜遨嬉永日湖山未肯归酒帜晓人应惯识花枝拂帽不须挥轻纨细绮来何处青盖朱轮去似飞向晚薄雷催急雨清寒无奈袈裟衣

同曾仲锡通判遊天竺诸山

煌煌世胄余夫子非碌碌由腹有诗书所以防防俗得官本河朔 期未云促扁舟下东南逸兴追鸿鹄遇胜即徜徉风飡兼露宿嗟余偶倾盖一笑外羈束杖防每过从相携访山谷春风披鲜荣绣错出林麓松门有时尽幽兴无断续崖转闻钟声林疎见华屋衔山余落景归路犹踟躕谁云邨下欢往事不可复吾曹二三子所乐亦云足愿公纪新诗一一防见録船头行北归囊篋有美玉尘埃京洛人示与洗心目

次韵刘韦孟主簿湖上

刘郎词笔过康成咏遍湖山草木情禄隠太平真乐事莫思神武挂冠缨

中流出没一舟虚缓楫长謡彼自如闻说古来江海上达人多半寄樵渔

老葑如云既卷除风澜百顷翠纒余竒探险取各争赋谁复能名造物初

遊苕溪道场山

东风吹雨过城闌日照河隄柳映津两桨差差摇燕尾千山漠漠散鱼鳞长縁絶境关幽梦尚喜兹防及暮春兰蕙未衰桃李在蜂喧鸟 莫愁人

夏夜

松室开孤定褰帟纳夜凉婵娟依翠竹无语过东墙

送兰花与毛正仲运使

幽姿冷艳匪妖娆曾伴灵均赋楚骚今日移根庭下植可无佳句与挥毫

从来托迹喜深林显晦那求世所闻偶至华堂奉君子不随桃李鬬氤氲

夏日竹阁

沉水擢烟青缭绕风篁传韵冷萧骚楚山竹簟琉璃滑卧看炎云槛外高

送李仲益赴襄阳幕

襄阳古名都雄观压荆楚醉公夸文词风物粲可数嗟余未厯览彷彿已如覩人生防宦间得此亦佳遇李俊妙天姿文行两自负少年志 鸿千里轻一举天风不借便造物暂淹阻既无负郭田龟勉依幕府贤哉彼方伯脱略高韵度寧俾簿书役朱墨事朝莫爽气对西山清谭共樽俎试问鹿门翁遗踪今在否

访勤上人

断桥苍壁倚溪斜赤叶枫林噪晚鸦可怕岭云埋径路防寻流水到君家

荅柯山晓上人

风骚古人事而我岂所长儿曹嗜章句余习未易忘根源本无有真若夏潦潢道人气防俗吾党称俊良十年依丛林实以道自将禅余喜赋咏妙语逾珪璋世眼独未识深丛閤孤芳锋锥必颖脱安肯久处囊子宜力自勉声问终扬扬吾言岂知子老大殊荒唐

送俞伯谟宣德赴辟成都

我生落拓如虚舟万里江湖随演漾君今禄仕亦我同南北悠悠无定向故乡回首海东头兄弟十年官塞上才高质美众所奇杞梓豫章非冗长辟书交飞上庙堂肯使须臾事闲旷泰山峥嵘蜚戎虏自古征人愁怅望劒门栈阁天下危去马来车魂欲丧羨君年少勇攀跻足蹑青冥身益壮旧遊陈迹想依然感物懷亲情独怆【伯谟先公待制尝为成都漕】

次韵文饶同自龙井出资国度泛舟以归北山

踞虎奔犀列万形奇观直已过南屏紫云细路杳无尽落石飞泉静有声十里平湖初卷葑一

天秋色共扬舲停桡共过孤山寺 林僧半掩扃

陪司马仲才节推诸君遊天竺得青字

西郊久不雨草木无余青薄云弄秋晖山色时晦 超然五词客文采披华星聯翩过吾庐车
蓋紛满庭相携访灵鹫细路通岩扃攀翻幽桂丛衣襟袞芳馨絶境异人世吾诗岂防名诸豪
追邺下妙语逾琼英愿言一挥写乐事良难并高空堕海日归驂尚能停

呈丞相章公【时提举洞霄】

大涤僊翁谢往还萧然几席奉清闲胸中旧已吞云梦人望从来重泰山书到钟王方絶学文
非典诰不须攀名言一一皆公语他日亲闻广坐间

过定林谒荆公画像

古木苍藤一径纏我公畴昔屡回旋萧萧屋底瞻遗像杰气英姿尚凜然

壁间千字走龙蛇好事何人防绦纱一读已防生感慨暮檐萧瑟更啼鸦

次韵曾子开侍郎话别

二纪浮防踏世尘贤愚了了见情真行藏不昧如公少细听名言实可人

抗论仪曹肯折旋一麾江海去飘然他时开府余杭郡来酌吾庐石缝泉

书梦寄妙懿

妙思堂深路屈盘夜来魂梦忽跻攀道人开户相迎处宛在修篁翠雾间

观恭师诗书以二絶勉之

吾乡英秀颇防文子复区区慕碧云请用三多为祖式他时自与古人羣

论书当亦似论兵军律非严事不成行伍防须同比 出奇方可语纵横

过钟山寻俞清老不遇

霜风薄木韵含悲歲晚寻君失后期夜鹤晓猿惊怨歇草堂人去已多时

次韵刘伯昌长官见赠

刘侯诗格殆天全初得西湖纪胜篇锦绣为肠供丽 鲸鲵作气吸长川静依北牖开樽俎醉
扫寒梢杂雨烟歲晚扁舟东去疾喜君高调重迁延

次韵法真禅师送曾敬之宣德昆仲

昔与乃翁相遇年始知有子生且贤尔来防榦已争秀屹屹欲上参高天昨朝较艺偶不售他
日奏赋闻甘泉方今庙堂喜人物收拾万彙归陶甄裹蹄麟趾终一出辉映左右无余妍肯学
孟生夸得意一日走遍春风前嗟余投老隱岩谷形若槁木心灰然扁舟追子仅千里彷彿夜
梦遥相传西湖风物行歲晏归赋梅花趣腊先

送文惠师还金华

脱略纷华自妙年秉心端喜事金僊终期象驭超三界不羨鹏程越九天考防穷经心尚壮依
仁据德节尤坚秋风陡起庭闱念聊寄修江一叶船

证师圣可桐虚斋

吾闻峰山桐猗猗排秀榦栖鸾宿鳳信所竒众木纷纷何足算呜呼天相彼质复虚彼心故其
声之隱也无閤其动也无留有扣而鸣体佚而休嘉上人之妙齡兮无适俗之卑韵刚有擬于
斯桐兮廓中虚以受训异速成之朝荣兮培益厚而日敏悼像禾之寥寥兮蹇我道之不振续
芳尘于祖席兮他日非桐虚上人者而复谁何哉

规师方外停云斋

上人少脱畧出防非拘囚停云倚空端舒卷良自由纵之千丈强斂附拳石幽超遥宇宙间孰
与斯人俦铭诗善摹寫居士亦风流

卜居智果方外以诗见寄次韵奉酬

偶来湖上緝衡門桐长修柯竹有孙引防每从佳处去碧云桥下是西村

青灯残篆夜寥寥门外秋风振苇萧慚愧高人防见忆为余西望立溪桥

次韵周开祖大夫泛湖见访

漾漾清漪十里间畫船人似镜中安雨催菡蓞幽香发风触葡萄细浪寒高岸乌纱来静院倒
挥白羽傍层栏吟毫所遇无遗景天乞词源比海寬

参寥子诗集卷七

参寥子诗集卷八

宋 释道潜 撰

次韵才仲试院梦中梦事见寄

梦入秋山知几层霜风吹骨正棱棱苍崖荦确难安足自说徒余授杖藤【事见才仲叙中】

朱萸碧瓦碍云浮共蹑层梯最上头一饷防干变风雨凜然毛髮便惊秋

怪兽胡为出巨津昂然激水忽翻身鱼龙颺颺何妨事莫作风波谩恐人

一川修竹映疎花川上时闻响钓车似到秦人种桃处谁知梦断却还家

崖根乌窞已先尝从此知君鬓不霜应笑吾曹事枯槁山中危坐独休粮

赠吴子野先生

麻田老仙心炯炯少有高风慕箕颍枕流漱石三十年眸子了焉神更静忽然杖防海上来至人道妙同尘埃达官贵侯竞招致往无所欲谁嫌猜迺来一志从吾党迹与孤云共天壤曹溪有路更攀跻径蹑崑卢高顶上【子野将出家事见东坡诗中】

送庠上人

防检行装拂与巾洒然轻别故山春家家门底长安道举目何须更问津

次韵才仲山行

幕府文书一扫空何妨行乐醉春风想闻笑语千山外正在烟云万叠中
暝日鸟声喧细碎照溪花影静玲珑苦吟只恐凋肝肾夫子还宜少黜聪

与神智师话别

昔我年始壮托身灵鹫峰主人大 师鼓舞扬真风四方依绛帐杂遝象与龙嗟余於此时已识大士踪纷纷论议场头角出羣雄如何三十载慧刃藏其锋端居肄业地了不为世通还独念西湖聿来将谁从情随山水远兴与鱼鸟同平生方外婆自在如冥鸿明朝复回首飘洒一孤蓬

晖晖堂

堂上何为絕防埃堂前翠箒扫空堦遥怜薄日晖晖静影入高人燕坐懷

次韵嵩阳陈叔易先生见访

知君挟册未尝闲一志端防事孔顔千里扁舟下吴防眼中收拾只溪山

枯槁长專一壑闲权豪殊未少低顔风云他日超腾去莫畏移文到北山

晓霁

云拥茅檐水拍渠晓来新雨过吾庐蔦红宿萼莓苔满解事长扬自扫除

次韵龚尧佐帐勾晨起感懷

造物纷纷自变更达人何用校前程芭蕉身世荣枯久蝴蝶梦魂来往轻隔屋相惊铜漏尽开扉犹爱玉绳横应嫌百吏鳬行进簿领文书与案平

遠斋为玉上人作

君不见昆仑之河与天通源深发遠人莫穷回溪转壑随折冲末势演溢流於东东溟无旁下无底浩荡足以家鱼龙嗟哉吾徒虽好学詎肯着意推所从渊停富濶有若是孰谓世上无英雄法师名斋意且遠张皇幽 见尔聪西来竺书五千轴期子歲月如磨砢离骚楚辞亦漫读言语黼黻何必工禅余习气如未尽时倚涧石吟松风

懷仙阁

瀛洲仙人骑皓鹤佩玉鸣风度寥廓锦溪南望九仙岑笑指烟霞憇层阁阁中清絕无纖尘铜鑪着香夜梦真平明跨鹤出山去涧草岩花空自春山僧问我入何地令作玉皇香案吏挟持造化几时还搔首临风聊一喟

华亭道中

白水茫茫天四空黄昏小雨湿春风五更百舌催残梦月到官河柳影中

同周元翁著作范明遠秘校西湖夜泛各赋一首

薄云疎雨作还休白帝撩人巧变秋天地此身均逆旅江湖几度共离忧暮声断续钟连磬夜气浮沉浦与洲圆峤方壶吾未羨敢烦骚客为 搜

和元翁

高论每逢贤友生还如讲武得奇兵了无鄙吝胸中物尚有风流世外情破海玉蟾初未跃洒空珠露已先倾回桡转舵行三鼓始见波澜百顷明

和明遠

二客风神莹石泉鲜衣同缓夜归船已残巾子峰头日犹认吾庐竹外烟水怪有名殊未见犀灯无事不须然月明幽渚蒹葭静珍重沙禽穩睡眠

次韵月上人秋夜见寄

鸿振想鹭仪形数日新秋入梦清丹壑流泉依旧否碧崖丛桂几时生风来玉户凉初集露银河色渐明龟勉酬君无妙语夜光鱼目愧相并

送遠上人还金华

千林脱叶送残秋一舸南归兴莫留富渚江平非白马子陵滩穩异黄牛吟懷览胜宜无倦才力如君岂易求他日殷勤为细字尽传佳句到东州

宿天竺

夕阳山气蔼葱葱路转松陰复几重行过石桥人未见数声先听寺楼钟

稽留峰北好林泉珍重幽栖得所便柏子烟中能宴坐想无余习可攀緣

霜压帘栊露 条银河影转斗垂杓清言共失三更梦错恨芙蓉漏易消

晨起

鹤惊呼晓楼钟动翠防枫林堕清月疎影乱人衣

喜不群不疑见访

鹄皀庭梧喜满懷悬知二子下崔嵬山中爽气知多少半逐风流杖屨来

送桐江明上人之都下

窈窕孤云下翠岑帝乡闲去本无心红尘满眼急回首莫遣空山鹤怨深

送定上人还防稽

西风警羣木萧瑟散秋声病客有归思孤云无恋情月当千里共人恨四难并苦学谁如子他年在一鸣

次韵刘蔡仲秀才雪后登竹阁

檻前君子旧虚心雪后相防意更深暗日暖风吹鸟语翠梢高处啖柔音

君防楚峽耸防岷圭壁千层间翠岚山后一峯尤秀防依稀还落剡溪南

次韵黄仲闵主簿见访防寶云诸寺

吾庐附层阿松竹蔚行路平生土木躯羞为折腰具蓼防甘苦澁虽死那求遇黄香诸父贤倾蓋有如素相将山水行所适得佳趣观台深且靓縞壁悬清句云巢倚空端下览宜细顾楼台霁雪初碧瓦尘未浣篮輿指頽景长揖还辞去恍如山陰集俛仰已成故重来竟何时相望碧云暮

蘓世美夫人挽辞

夫子刚中早数奇闺门高节耸当时渊明晚欲归三径德曜能从赋五噫不见莱衣华髮事空惊薤露昔人悲故知造物酬陰施玉立诸郎富白眉

重居夜坐懷蘓伯达昆仲

狂风吹林声怒号隔垣汹汹如秋涛夜来稍觉群动息星斗挂檐霜月高东隣书生勤且劳粲然文彩真鳳毛遥想下帷应未寝短檠相对课离骚

慕容居士防楠轩

阳羨溪山名浙右氤氲淑气无时有遂令比屋慕弦歌甲第殊科争防手先生读书三十年数奇不偶真可怜闭门陋巷聊自隱簞瓢屡空心晏然南轩前头两佳木先生抚玩长不足尤爱薰风五月初白银开花光照屋故人解后相逢遇指防婆娑索新句君不见少陵壮叟有长吟莫作凡材等闲赋

次韵蘓端定武雪浪斋

孔明气宇白玉温忠义勇决逾玉尊葛巾羽扇传号令塞垣彻警无尘昏良辰往往挟将佐射雕走马循烟村归来饮酒坐堂上賓从如云填防门一朝郡圃得奇石雪浪触眼惊神魂旁求

苍珉琢巨斛偃然卧土知无根三牛曳归置堦圯错磨不许留纖防兴来作诗寄台阁雄词妙
笔争考论将军今谪穷海外防见羲娥窥覆盆殷勤寄与朔方客佳致勿毁宜长存

无为堂

无为岂不动无念非剗心至人均道妙与物相浮沉青铜一寸明万象了自分何须苦机械扰
扰乱冲襟晴窓袅馥篆衣袂蒙余薰超然旷士懷所得逾古今

示法颖

儿曹汝既识薰莸卓犖应须力自修一志径从齐客语万端无受楚人咻卑飞燕雀宜深遽高
举鸾凰可并遊莫负谪仙当日语十年名誉满东州

清聚轩

之子喤懷欲称情故穿幽沼瀉清泠倘逢来客议深浅但道渊源通北溟

次晓师见别欲遊京洛

春波涨南浦霁色媚澄鲜扁舟驾两桨行矣子所便岸花开迤迤红紫交相妍诗情发浩荡输
防万壑渊清新逼庾信雅健追樊川相俦得鸿鹄翔集固超然衣袂暂尘土他时洗云泉幽姿
复炯炯不美玉池莲

防径山懷司马才仲

柔桑蔽野麦初齐布谷催耕雨一犁畧彳时横溪上下蔷薇间发水东西重寻胜防追前赏无
复斯人手共携回首春风增感慨绵绵黄鸟更悲啼

云巢

环湖相望百招提高栋层轩亦屡跻未若道人基构胜防干清与白云齐

九江秀色可揽结谪仙爱彼巢云松寂寞风流三百载此轩竒观蹑前踪

碧瓦朱甍冠翠微鬱葱佳气绕窓扉人间尘土纷阡陌不到藜床燕坐衣

清明日湖上呈秦少章主簿

水邊花雾晓氤氲春入西湖兩岸深冶叶倡条他自媚朽株枯木我何心秋千索转朱楼角博

塞声喧碧柳陰年少故人方感慨未应从俗强浮沉【时少章丧耦】

送诚无上人还洞山文禅师席下

上人妙齿遗樊笼嗜好岂与稠人同岩栖水饮有余裕期以至道超鸿防少林人正仅千载末路鼓舞谁为雄西江老褐真望土蚁趋云合争所从美君服役事且久诚專志苦迷春冬心珠磨错稍精莹彷彿水月含冲融去歲扁舟下吳防溪山胜践情所钟芒屨竹杖霜露入始知節物徂秋风朝来兴尽挽不住飏然又逐南征鸿他年相逢定庐岳与子终老巢云松

燕默堂

万彙乾坤里谁何识道真喧卑憎末俗燕默美高人漏转芙蓉永香销栢子频他年挥玉麈堂上挹芳尘

送严上人还永嘉

道人出防孤鸿俦讵肯低回受羈絆飘风转日厯九州不羨骑鲸遊汗漫我生与君几相逢穷幽摘胜时乃同胷中妙道未容扣又引高兴辞秋风君家住在孤屿侧此别何时见顔色欲识相思一寸心冷月依依挂空碧

吴门狱中懷北山旧隱【六首】

江湖堂北是吾庐繚绕杉篁蔚有余欲问山中近消息鳞鸿不寄狱中书

诛茆投老卜栖迟云雨相翻岂易知夜鹤晓猿休怅望回车复路可无时

数亩檀栾古道邊亭亭气槩上防天未应霜雪防摧抑不用行人叹可怜

东崦扶疎一树梅繁英辜负歲时开殷勤寄语兰兼蕙他日春风我亦来

甘冷宜茶石缝泉得名初自玉堂仙苍苔滓秽聊疏治照月涵星复粲然

一径緣云入壽星竹间窈窕见疎樗防干数曲观台上幽草靚花常满庭

吴门懷钱塘何彦时仙尉

英妙何郎蕴德光不随人世事炎凉麒麟步武开天上他日青云道路长

英防阁前官柳行柔枝嫋嫋弄鵲黄多情春色还依旧独有离人天一方

湖岸茸茸细草生芳洲杜若想纵横去年问柳寻花地谁伴穿云渡水行

刘咸临秀才挽词四首【道源学士之子】

刘子江南英韵胜不友俗闭门诵诗书户外无来躅昔我寄匡山岩扉屏幽独君闻跨蹇驴迢迢访深谷忘懷去畦畛结好比松竹浮云事忽空逝水难再复徒有篋中文千秋成鬼錄

异材擢阳阿秀色方蔚然侵寻掩众阜屹屹上造天惊飈忽摧殒中道虚弃捐顏渊古称天道德今独妍何求拥肿为无用徒永年

平生本家学耻作干时语著书以愚名绰欲慕前古纷纷诋迂濶默默君自许弱龄咏风骚其词哀以苦先生叹竒作壽达终难与果为 遊一往不可覩

吾希李长吉异代不得友赖余锦囊篇把玩时在手斯人君并驾未易较先后肝脾裊阳秋落笔粲琼玖当年解后初宛在三峡右相携石桥行下瞰冰雪溜音容俄永隔山月空依旧铭诗得黄香知子垂不朽

赠霍山人

先生少年喜武事三畧六韬曾徧阅胷中云梦吞八九气胜万夫真勇决防邊伊昔从都防欲取功名继前烈臂弓腰箭事戎装遠出沙场恣防猎擒狐射雁狂且逸不觉归途迷夜雪败官遭譴失所志回首飘然辞魏阙挟持妙术当生涯放浪江河闲歲月寻常得钱即沽酒笑与妻奴同饮啜乐天知命了无忧奕奕红颜浮两頰春风浩荡鲁城邊稠花乱蕊争纷妍方将与君共携手骋懷防目相回旋兴来别我汶阳去黄鹄一举难留连村桥野店醉斜日路人谁识地行仙

参寥子诗集卷九

宋 释道潜 撰

送刘不已推官罢奉符尉入都注拟

少年读书破万卷河朔声名压诸彦词场百战功不成晚得青衫非所愿白头况有北堂亲斗禄强须甘冗贱三年一尉泰山下簿领区区事弓箭追穷防盗走山谷肯为风霜辞怯懦要功冀赏本无心脱去仅防逃所谴草枯蓬断歳将徂结束行装抵京县达官贵吏急贤材一鹗君须预论荐投竿舍筑去作相鲜后风云一朝变造物于人自有时未足为君生忿怨

过彭城观陈传道知録所藏东坡公画

枯枝瘦石两相望南北悠悠径路长卷尽平冈三百里风枝雨叶更飘扬

淮上观水

桐柏昆仑日夜倾役溪注壑本无情乍为含垢千寻浊不作矜人一掬清

戲书诚师秋景小屏

黄芦败苇两三丛彷彿江湖在眼中雁鸭惊呼緑底事一时昂首立秋风

过韞秀堂观仲豫二诗因次其韵

箕南斗北各殊方谁信相思去梦长蓬断草枯常歳晏寥寥空对蕙炉香

荆溪一别十年余流窜何尝定所居等与山河同幻质更将三界作蘧庐

次韵聪师见寄

三年东鲁贬闭户寔超然静极通幽 神防岂间焉独全霜后操未异火中莲不似沉湘客徒懷忿与悁夙学谁知子源流务所滋风骚追五柳禪寂拟长髭桂魄元昭晰浮云自蔽亏险夷终一节吾以古为师

次韵升师见招

老去年光知几寻无端华髮苦相侵独怜碧眼平生旧未改青松一寸心欲扣禪关当歳晏肯愁溪路隔云深相逢试探梅花信应有香须擢碎金

儿童賸管已防操书乏吟 几兔毫文囿垣墙增渐广词林枝叶势方高嗟余旧喜论周诰晚
歳无心讽楚骚美子得时勤述作宛如秋浦漫云涛

残菊

霜摧露殒万枝空丛菊鲜鲜尚见容细蕊冷香聊自媚无心引蝶更勾蜂

淩轩

隔云穿窅引防防喷玉跳珠亦可怜心垢本无何用淩戲将潇洒度流年

千顷廨院观司马才仲遗墨次韵

蒙蒙春雨暗村桥竹里禽啼婆饼焦度谷勘闻车轧轧穿林愁听马萧萧细窥陈迹僧坊静默
想风流鄙吝消浮魂沉魄今已矣无人为作楚词招

唐昌王悦道桃竹轩

余杭门西山迢迢屹屹千峰插天起穷幽摘胜过三邑随防云林皆可喜迩来杖防到君家始
觉溪山逢骨髓争流万壑防目前竞秀千岩对窓几丹枫洗雨秋霁余白鸟出没岚光里主人
韵胜无尘埃翠竹红桃相映栽良辰樽俎凭谁共友月朋云自往来

溪上

红蓼丛邊防鹭飞波防翻动碧琉璃须臾相趣却回首斜立垂杨烟外枝

听盛道人琴

陰云收雨阁层檐寂寂西风不动帘烧尽夜堂红蜡炬高山流水听无厌

有客浮防不定家玉琴三尺当生涯从来正始无人防棹首高歌乌帽斜

千顷山圓镜堂呈应禅师

兹山嵯峨冠天下一径萦云行两舍始穷絕顶见招提碧阁丹楼屹如画门前池水瀉蜿蜒座
上风雷惊昼夜峨眉五台夸壮观品目真不此为亚伟哉南师非世人开荒辟土初椎轮寥寥
相望三百载废兴一一难具陈丹邱大士来鼓舞气象焕发重增新投金输赆走南北法雨所
被无涯津虚堂选胜得佳防隆檐巨栋成逡巡窓扉洞达舒两目异景错出罗綦綦朝云夜月
常万顷寒光炯炯如鎔银堂中隱几人何似湛若玉毛悬秋旻榜名圓镜示来客庶使方寸无

緇磷

沈道原养浩堂

尘劳万计日纷纷未碍堂中养浩心
花草暗香来屋角溪山爽气入衣襟
樽中白酒无时有篋里清诗不废吟
夜夜邻家助幽致数声羌管弄防音

宣上人玉渊堂

玉渊閼苍崖源深杳难测但见防防附箬龙
宛转来投小池侧小池方折余两寻鼃龟不防苔
不侵青天无云落寒影沈柔见底空人心
妙哉支公营小筑气象萧然真不俗夜吟朝讲度流年
何用峥嵘夸杰屋

与定师话别六言

客有来从东越示余满把琼瑶万壑千岩钟秀故知多士翹翹

雪解松筠振色气回兰蕙含芳兴动剡溪吟客梦先归鸟飞翔

山海涛雷方震横江雪阵如山一叶舟轻飞燕飘然掠水东还

鳳咮山含暮靄西陵月破黄昏惯作江湖离别未应当此销魂

慧觉孜师綠筠轩

綠筠萧萧含爽籁幽姿冷落人难爱壁间但有谪仙词
声名自到江湖外当年翺轩非壮观局促帘栊日亏蔽
一朝经画有底难推倒墙头了无碍坐挹西南十里山
彩翠浮空屹相对开池凿圃增气象佳致真为一方最
鸟声鸣春春渐融兰芽蕙茁初防茸我来正值新雨定
弄日吹香闻座中主人散防邀我步池南池北聊从容
防待龙孙添夏防借君此地眠清风

夏夜智果懷武康令毛泽民

暮磬寥寥殷上方笼纱朱火影防茫窓虚竹净雨初闕
云润星辉夜更凉落枕松声惊瑟瑟扑帘香霧靄苍苍
遥怜散髮东堂老正卧风漪六尺床【泽民自号东堂老人】

寄宗室赵伯言朝请

赵侯天人裔雅韵能防俗岂意江湖间解后识眉目
高谈为余倾落落如转轂端无富贵骄但有文字欲交防
多望士颉颃争驰逐艰难风义高迹与古人续铜章领剧邑
宛在江之曲鸣弦

陶永日了不事鞭扑新诗拟建安简远词不缚锦囊有余弃示我仅盈轴持还故山栖把玩时
反覆美哉韶濩音锵然落岩谷嗟余真浅陋学海无一掬仰君东溟深短绠不可触

读东坡居士南迁诗

居士胷中真旷夷南行万里尚能诗牢笼天地词方壮弹压山川气未衰忠义凜然刚不负瘴
烟虽苦力何施往来惯酌曹溪水一滴还应契祖师

读闻复诗卷

诗律久已废宏纲谁与操断弦那虑续吾党有英髦气稔侔彭泽词幽近楚骚未输汤从事独
诧碧云高

次韵闻复庐山见懷

匡庐三载恣徜徉肯憚衣裘弊雪霜学彻死生追粲忍力穷骚雅陋齐梁心源素与秋潭静定
水寧同夏潦潢舛后逢余旧题墨薜封苔驳不成行

夏日寄愚坦二上人

仙潭从古水云乡不羨西湖六月凉支港官河通市井采菱拾翠有舟航觚棱迥与星辰接铁
鳳疑参鶴鶴翔九夏登临输二子一时摹写付诗囊

次韵闻复西湖夏日六言

山水初无今古人间自有沉浮试问行歌野老桑麻用事何忧

老葑年来席卷吴依旧恨弥申昨夜冯夷鼓吹遨嬉抵彻诸隣

夜深一碧万顷彷彿明河接天岸曲风篴成韵絶胜细箏危弦

西湖清浅可泛湍险岂类瞿塘随防菰蒲莲芡栳风沐雨尤香

南窓寄傲一榻午帐风来卷舒懒蹑子云陈迹解嘲更续成书

烧空火云万丈气防信可流金嗟尔龟鱼得计适然防泳滋深

栎杜侵堦美防鸣蝉托质初凉熏风正被草木莫作秋声感伤

柱础争流余润油云忽改山容定有盲风恠雨晓来已听鼉龙

湖光宛同玉镜隄柳閤若房栊六月行人过此未输仙客壶中

河汉斗杓横七重城漏鼓传三露鹤一声何许嘎然震响空岩

夏夜偶兴

防阳堕层巘归翼投空林龕灯閤古殿 呬无余音眷兹石壁下徐风散冲襟缺月如断环依
防挂松陰清晖婉相属永夜谐吾心空生大觉中一沕示浮沉此身沕中客 观无古今昔我
婴世故纷纷那重陈且求华胥梦蝴蝶相追寻

次韵古上人湖上步月

寻常西湖月云雾多袭明兹宵实昭晰似慰诗人情低昂见列宿戢曜非光荧起余二三子防
咏哦新声杖藜山前去鸡犬寂不鸣兰皋宿鹭羣回首时自惊君看南北山气象真峥嵘参差
烟树藂一一含余清上人江南秀解后意所倾夜防劝复路浩兴殊未盈

临江月上人【率同志为社诵法华经一万部资其梵行作此以赠之】

防仁说教满竺干流入中国余五千持中妙经为最胜顓师所鲜尤通 化行吴防连海壖纷
纷得法如云烟见闻读诵又其次随类譬率无间焉呜呼上人志且坚善邀佛子同法筵妙香
炷炉馥旃檀十科劝进追昔贤旁行贝叶轴似椽卷舒朝暮往复旋利根防种聊穷研鱼兔一
获忘蹄筌自余区区顾未然澜翻口舌如涌泉外物交错心匪縁功成一朝晚受纒煜如红蕖
濯清渊俯仰千圣遽可肩茫茫苦海旁无邊不有舟楫谁防先乌蟾疾驰如走丸咨尔佛子无
睡眠

琅琊山茶仙亭呈曾子开侍郎

滁山虽僻左谪宦皆名臣后先闻数公卓然皆鳳麟忆昨绍圣初谴公俾省循盛德忘怨悱虚
懷随屈信政成思览眺兴与烟霞亲后车载邹枚主客惊路人逶迤度山谷导从屏所陈渔樵
许争席解后全天真泠泠庶子泉味压康王珍团团小圓月色冠闽山春白足相与饭溪毛擷
青菁熊鱼得兼美乐事无涯津花瓷劝引满疏瀹贯百神危亭倚岩阿榜额独朱新牧之擅风
流茶仙夸絶伦相望三百载公防嗣芳尘

送钱持王主簿西归

兰陵号多士君实名家孙高才麤筦库枳棘栖鸳鸾一旦谢朱墨超然整归轩迎秋饯伏初炎
威尚歊烦松陵接苕霅迢迢皆清源舟子宜夜泛苹风生梦魂回塘官柳行千树如云屯明河

挂柳外凉月低金盆兹行信有得他日为余言

寄子开内翰

天将有作防云龙一德君臣邂逅同表率衣冠真领袖羽衣台阁旧家风词林岂独尊周诰褒
职深期补舜聪四海滞淹公可弃尽教鳬雁集庭中

赠潜照月师

吴兴上人心志苦笔研十年耕学圃形羸骨瘦神独清耿若霜鸥立秋浦锦囊新诗殊汗漫妙
语间发犹稽古铢锄冗长更磨揉激浊防清导灵府自然韵胜遗岛可逴跂渊明追步武瓶孟
劝子适四方莫学匏 甘堕窳崇山广泽徧防览始信凭高极天宇甄成技进蔚文采楚楚华
身竟何补茫乎三界同传舍而我与君俱逆旅不如回首依老褐妙精明心求许与鸣蝉委蜕
槁壤余脱畧秋风即高举

垂慈堂木樨花

堂下高花屹两株繁英碎萼巧连茹猛香匪占春园盛清烈仍分里巷余长抱秋蟾滋夜气偶
摇风露堕阶除根盘厚地知方壮封植何人考厥初【此花乃都正慈化老师手披之】

次韵关子容晚霁

小院回廊明霁霞疎帘未卷尚横斜应怜碧砌无尘滓石竹红薇靚有花

飞帘初遣雨师回独上江城百尺台万景横前方领畧越山仍欲送青来

再和湖上晚归

漾舟归路兴何賒水树低凉一道斜菱蔓蒹葭都卷尽芙蓉炯炯独开花

云披霞卷仰昭回试望翻经古石台应有秋香生桂树吹风肯傍暮船来

次韵子容同圣功见过

檀栾小径闢陰陰鮮鞅停驂步更深知我山栖久寥落故留佳句比南金

桃李君家世布陰棣花雍穆义还深浮云百变何须恠张耳陈余旧断金

参寥子诗集卷十

宋 释道潜撰

续许元裕梦中作二首【许奉议失防子甚慧方悲恼中卧于北窗下遂梦为诗觉而记其两句云未可病中惊老去防须花底唤春归语甚美而元裕意其子他日必复生俾余续之】

北窗支枕梦幽防隱隱神明发暗机未可病中惊老去防须花底唤春归

琉璃虽破彩云飞演庆高门未易衰既有嘉祥防兆梦定须他日产熊罴

次闻复湖上秋日十首【六言】

泽畔蒹葭萧瑟露华落日珠浮抚事少陵多感万端独立懷忧

禅余偶登絕巘据石聊为欠伸眼界谩分畦畛谁知大道无隣

楚客当年何苦愁懷繚转非舒赖有管城公子离骚万恨能书

西湖发挥有素最盛唯夸乐天遗爱到今不朽长隄一道如

防士尚余陈迹断碑横卧林塘婉约梅花秀句骚人万古传香

草蔓行将溃茂菊英稍稍敷金南浦愁窥去燕海山苍莽云深

江城秋至几日风物陡觉凄凉隣女机丝何有夜间促织悲伤

人物年来衰谢背绳追曲周容嗟尔得时螭蜒故能嘲哂 龙

凉月防防清媚舒光巧入帘栊万籁声同比竹细窺一一空中

可怪狙公巧黠犹迷暮四朝三老我身如枯枿兀然不动幽岩

观宗室赵明发使君所画访戴圖并二小诗因次其韵

水石追摩诘风骚类小山每来窺二妙恋恋欲忘还巉絕千峰玉清妍五字诗胷中盘爽气彷彿几人知

次韵楼试可承议见招

东州羈旅迹谁亲夫子端能给我贫默识松筠霜后操静看桃李梦中春嵩阳胜絶高天下县令风流迈古人待得芳菲开烂漫去随行乐后车尘

次韵秦少防学士观宗室大年观察所画江干晚晴圖【四首】

数幅生绡上形容万态心坐窥天下胜何用遠登临漠漠云披岫班班雨弄晴横江舟一叶注目使人惊阳秋閤肝膈无防见防茫时作丹青戲风流冠帝乡参差山接野 莽水连空笠钓沙头客真宜避世翁

春陰

浮云易作雨无端未放春泥十日干须信杏园憔悴煞从来花骨不禁寒

次韵伯言明发登西楼望桃花

江南梅子已生仁京国桃花始放春气 不齐虽可恨一枝犹得见墙闌

小楼西望那人家出屋香梢几树花只恐东风能作恶乱红如雨堕窓纱

送伯言赴姑蘓上幕

都城公子海贤否良难防从容翰墨场班班知所诣超然三四公词学昔人配源流出蘓黄汲引功岂细斯人固才华气节复遠迈一官从幕府未觉簿书碍投刃却鳬行岸巾依物外凝香久寂寞清絶今可继初辞广陌尘笑鼓春江柁楚岫与吴山相望挹空际莫唱渭城歌临流增叹喟

赠欧阳季默承议

先公跨箕尾摇曳旋天关矜今二纪余肯复来人间时时对遗编彷彿窥一斑梦寐思见之何从暂追攀迺来都城里忽覩庭中兰方寸实惊喜典刑斯可观抱疴一榻上骨瘦清琅玕为余设幽几气貌徐以寬防词落玉麈文彩真孔鸾棣华惜未识妙誉闻朝端先公德未泯四海共仰叹愿言付百世清风嗣门防

次韵刘延中廷直见赠

刘郎世胄子苦学穷渊源羞为一掬清欲效千丈浑君看长鲸质涧壑岂所存操瓢妙述作斧凿无纖防钟牙不世出审音谁复论鸛鷖理劲翮云汉思孤骞上追鸾皇防下弃燕雀喧建安夸七子壮气君可吞九衢苦昏霾槐陰蔽重门良辰为我饭满案余芳荪软语夜达旦未觉罢神魂须知名教乐不羨富贵尊

酬刘巨载舍人见赠所画山水扇

冰纨玉粉净无尘墨妙扶疎更絶伦试问挥毫底人物不言从可识天真

观明发画李贺高轩过圖

唐年茂宗枝时平多俊良长吉尤震曜春林擢孤芳退之矜孔门屹屹真栋梁笔力障百川风澜息其狂破衣系麻鞵右顾生辉光一朝与湜輩命驾惊煌煌贺初为儿童随父事迎将须臾命赋诗英气加激昂长安众词客声问争推扬风流垂异代尚想古锦囊君今亦宗英韵胜斯人方少年肯事事苦学志独强风骚拟屈宋妙处相颉颃丹青出戲弄配古犹擅场形容示往事彷彿如在旁一径入幽遠古垣繚林莊平桥跨绿水丛薄含葱苍晴窓为披拂佳兴杳难忘

次韵东坡居士过岭

一时迁客尽难堪二老高懷默自甘造物定知还岭北暮年寧许丧天南安排拄杖寻庐阜斗薨征衣洗瘴岚他日相逢长夜语残灯飞烬落毵毵

次韵代岭上老人答

闲将箕箒扫崔嵬夹道松陰尽我栽人去人归真一笑壞空成住互轮回

次韵子由侍郎书事【二首】

七年依岭外遇物即防闲宿负初偿毕他生岂复还飘飘疑鹤侣奕奕藹童顏自许乔松壽机密鎖关真材不易得矜国实长城造父还能御骅骝岂惮行买田隣少室为计老余生居士来何晚江淮遣 迎

次韵试可见访峻极遇雨

都城尘土倦茫茫独喜西来防甚长避暑禪房依亢爽可人溪雨作清凉飞蚊斗絶檐间鬧乳燕时拳砌下簷县令风流真晋客谈余玉麈自挥扬

揖仙亭

崧阳古令尹制锦夸妙手鸣弦对高堂坐使风俗厚政成思考槃觴豆宴賓友开亭面缙岭佳致昔未有云烟霭葱朧青壁冠星斗王子果真仙揖君千载后鸾车驻缥缈彷彿容暂偶天风吹箫笙凄响落戸牖纷纷惊坐客往往为回首相顾弗复言且进杯中酒

次韵试可同遊法王岳寺

两山修径尽榛芜漫诧当年幸翠輿空覩宸文藏寶构不逢衲子话真如【寺久无僧】林深想见灵根茂地胜宜多隱者居凉月照人归路好傍溪嘉树影扶疎

次试可喜雨

东阡北陌久黄埃天遣神龙詎用媒云似涛头山半起雨如银竹望中来奔输润谷时頽岸喷激 鱼或曝腮民物有秋真可喜池莲从此更须栽

峻极夏夜

广庭无凡株鬱鬱两佳树扶疎饶美防盘错根本固朝披叶底风夜 衣上露禅余自循绕百匝未忍住月华中天来左右发挥素清景非人间冷然洗吾虑緬彼大梁下炎蒸毒朝暮朱门晓未开马足已驰骛摧眉事权要幸彼一盼顾素标挿君头扰扰独不悟

观宗室曹夫人画

野水平林 不穷雪翻鸥鹭防晴空洞房岂识江湖趣意象 将造化同

华屋生知世胄荣谁教天付与多能西风白草牛羊晚隱见横冈一两层

临平山下藕花洲旁引官河一带流雨棹风防有无防笔端须与细 搜【尝许作临平藕花圖】

次韵阳翟尉黄天选见寄

寓形宇宙间佚我方以老流光安足恃百歳同过鸟顷余婴网罗文彩縁自表自古山林人何曾识机巧但记寒岩翁论心秋月皎黄香十年旧学术参众妙虚懷养天和肯狗奔走閤官居职事理晨起何用早桐陰满西斋叱吏供洒扫眷余东南来野饭煮芹藻先生既清尚令尹亦高蹈相将古寺行软语頽晚照公家有畸人虚縁防自葆卜筑嵩山阳行当从结好山中饶胜境一览未易了何时命中车共陟云外峽翻愁筋力疲不随追勇蹕公诗拟南山雄防千丈峭形容逼真解后适其要籛籥吾未窥敢议穷阃奥

秋声

古槐花落小中庭夜半风来卷叶鸣频水先生如尚在呼儿应问此何声

次韵试可岳祠祭土宿斋

神祠斋馆卧耿耿五鼓星河屡起瞻劒佩森森趋帝右衣冠肃肃奉宸严风传逺壑松千树人

拥回廊月一帘四岳旌幢初防散晨乌声动庙竿尖

赠宗室德强团练

造物赋象质於余颇防名琼瑶琢其骨冲和擅其清公生华屋贵好学从妙龄才高岂容遏卓然以文鸣厚德滋善养雍容无暂矜区区草茆人未必真尔防家藏三万轴插架连屋楹牙籤示题目探手不停防言固澹泊嗜好如飴祖宗开鸿基累圣致太平洗洗既蕃衍绰绰亦见称裕陵喜人物教率从典刑聯翩试文艺议论参公卿公材实杞梓落落非杉桧愿言勤著书防当补朝廷他时树勲业彝鼎信可铭

哭少防学士

江左有豪英超曩世无伦妙龄已述作识造穷天人儒林老先生相与为友賓客来叩治乱亶亶披霜筠波澜与枝叶犹足跨后尘青衫入仕初十手争扶轮孤嘲可敌众志鬱不得信造物念流落荐收付洪钧干将不许就中昼如有神七年投炎荒日与山鬼隣妻孥各异土相望同参辰秋风吹黄茅八月瘴雾新回车婴重厉惻惻无与亲中原尚杳隔坟陇懷棘薪凄凉浯水头魂逝归无因精爽竟了了挽章见情真流传到京阙悲读闻縉绅斯人傥不忘光华国之珍彼苍未易晓三叹鼻酸辛

念子少年日豪气吞九州读书知突奥防刃无全牛当时所献防考致第一流论高追贾谊气胜凌马周胜理非空文灼可资庙谋危根易摇动谓子不好修呜呼一齐人奈彼众楚咻孔门余四科士岂一律求区区事屠钓崛起为公侯数竒信有命君亦忘怨尤平生所著书字字铿琳球子道决不泯千载传芳猷

瓶盂客京口彷彿熙寧末君方驾扁舟归来自苕霅中冷忽相值倾蓋忘楚越禅挥庞老锋辨鼓子贡舌连宵极名谈江阁倚清絕扣檻出鼃鼃时取一笑发【金山江中多鼃扣闌即出賓客常以为戲】防沟介淮海济济多俊杰良辰苦招要结好从此设堂堂紫髯翁道德冠前烈【谓孙莘老龙图】风流广文先炯炯事修防【谓阎求仁博士】老禅魁丛林冠蓋趋杂遝【谓度显之禅师】三豪相继往墓木叶屡脱子今复云亡枯棋愈残缺相逢旧好间悲詫那忍说明年东下船系防竹西月茗奠蜀冈南弹指当水诀

次韵天选寄逍遥庵黄居士

收得词场举子身拂衣高卧傍嶙峋休言白日壶中胜且看红颜镜里春富贵羣争虽有路山林独住岂无人恐君未识陶彭泽故约篮舆访米真

次韵试可同谒子晋祠

古柏连冈三万株朝烟破日翠扶疎投鞭下马得幽径共谒賓天帝子居

遗荣少海径无防便逐浮邱出帝乡可笑而今居富贵亦思高举上苍苍

参寥子诗集卷十

参寥子诗集卷十一

宋 释道潜 撰

寄王晋卿都尉

主第耽耽冠北城位居侯伯固尊荣肯将踏月趋朝脚来伴穿云渡水行池上红渠应渐老山中紫笋尚抽萌嵩阳迢迢川原胜闻说他时卜钓耕

与田承君宗丞话旧

赤日下西谷松门敛余晖萧萧征马鸣客子来者谁故人田子方六月并州归崎岖千里道问子来何为君命不俟驾诘敢辞炎曦禅庭梵呗歇软语同逶迤梧桐挂凉月清润含裳衣人生实萍梗同附一 弥惊风或颺先波定还相依昔我在南兖识君英妙时轩轩勇气节凛凛如熊黑声名固已早时命殊淹迟今兹向魏阙骥足将腾夷圣君隆至治谏诤求瑕疵嘗闻至人语子可补拾遗一言开尧聪四海风俗移无为外重失蹇谿当自持赠言古者事吾岂忘前规

登岳顶呈试可邦直

伟哉中国擅五岳巍巍嵩高据其尊四时百辟尽朝防云幢烟盖来追奔自余众阜何足数扰扰罗列真儿孙秋霖乍开原野净隆曦破海浮朝暾渊明旷达不事事胜日结客遊山樊山腰下马蹶风磴杖履诘曲跻防岨窅经玉女猿鸟 石漱飞浏鸣潺湲长松吟风和哀响肌肤凜栗凄神魂行穷絶顶已晡侧云烟为我开余昏昂头去天惊尺五星斗厯厯俯可扪超然拟与 人世絶彷彿有路通昆仑洛阳奇峰三十六领畧并入一眼吞平生方寸喜壮观兹防气豁殊轩轩二豪词笔有余地请赋杰句留山巅风流便可付千载欧梅尹谢相与传

送王彦龄承务还河内

武陵王郎高韵度鞍马四方无定住眼逢泉石便吟哦咳唾珠玑不论数我亦悠悠事不羈浪萍风梗随安之少室山前古兰若解后便与同襟期兴来岸帻一长啸清声邀越穿云峽竹林故事独未泯人物如君亦高调秋风猎猎促鸣蝉归路千山入马鞭白袍乌袖宜圖画不羨襄阳孟浩然

寄宗室周臣观察

帝胄天孙多茂良似公人物更难方诗书自负青云器风月能收古锦囊科斗雷文陈几席鳞衣蚁食耀杯觞都城解后倾迟素崧少归来一梦长

题宗室公震防御画后

错莫江云结暝陰归飞宿翼半浮沉毫端领畧无遗种想见雍容物外心

蒹葭照雪含余润古木搀天气老成山谷不来居士死何人为子一题评

同赵伯充防御观东坡所画枯木

经纶志业终不试晚歲收功翰墨林偶向僧坊委陈迹每经风雨听龙吟

萧然素壁倚枯枝行路惊嗟况所思惆悵骑 天上去却来人世恐无期

大年观察许作从驾出南薰门雪霁圖因以诗督之

南薰门外照初阳寶马雕鞍从玉皇千丈雪云开遠野万枝琼树鬪新妆笔端妙防君先得老去闲情我未忘乞与山林资玩好高悬素壁烂生光

与廖明畧学士赋余干县白云亭一首呈吴明府

白云翔太虚时来傍孤城超然此荣观常恐鸾鹤迎能赋自畴昔骚人遗典刑嗣音竟有属异代逢渊明挥毫无停綴临流有余清光风转洲渚爽气生轩楹况复廖常州吐辞皆正声跂予浪续貂坐想徒摇旌

赋王立之承奉园亭十首

大裘轩

经纶志四海齟齬不得申大裘纵千丈姑覆洛阳春

载酒堂

子云草 时载酒客常满君今慕若人竹户谁来欵

漱醉亭

潭潭百尺井汲引鸣飞澜惊回午醉客一漱齿颊寒

介庵

一庵容宇宙介意安在哉珍重庵中人空洞无纖埃

顿有亭

君家十亭观基置宛相望是中富墨妙伟哉蘓与黄

亦爱亭

扶疎防佳木五月风来徐渊明方偃卧亦是爱吾庐

永日亭

长安富贵人歲月马上迁岸巾怡永日心事独翛然

求定斋

南华鉴止水炯然见须眉夫子果能定物岂逃妍

冷然斋

虚室昼生白清风袭衣屨圆蒲燕坐人冷然欲仙去

赋归堂

王郎英妙年功名固堪勉浩然赋归欤持操真可美

送慈义偁师防嵩少

道人家住锦溪头衣袂常含爽气浮偶踏尘埃经北阙却寻云水过西州水销陰壑兰芽动岸
长条春意柔少室峯前无异路莫将陈迹苦追求

东坡先生挽词

造物周千载真材得豫章经纶等伊吕辞学过班扬德厚倾蛮貊名高震虜羌数竒终不偶难
与问苍苍博学无前古雄文冠两京笔头千字落词力九河倾雅量同安石高才类孔明平生
勲业志鬱鬱閤佳城少年持国论不美洛阳人抗疏忘机翫危言骇缙绅丹衷那有谓康济在
斯民竟谪江湖去端居寂寞濱初复中原日人争拜马蹄梅花辞庾岭甘溜酌曹溪梁木倾何
速椿年竟不齐灵輶向崧洛行路亦凄凄一时英俊附门墉兄弟从来号两龙雄辯未饶端木
赐题评肯下郭林宗精神炯炯风前鹤操節棱棱雪后松无复胜遊参杖履追云弄月更雍容

羣贤投老甯炎荒瘴雨蛮烟岂易当煮气内全真自葆铁心无动亦何妨海山出防憑谁共蜚

叟追隨樂未央準易著書人不見防言分付有諸郎

羽扇綸巾擁帥權高牙大纛拂雲烟初聞父老誦嘉語綽有風流似昔賢【定武人謂公下車施設宛如韓魏公】謫籍數年居瘴海功名無分勒燕然空余雪浪齋中石留與邦人萬古傳當年吳防友名縉【大覺海月辨才】盡是人天大導師防俗高標元自悟妙明真覺本何疑籃輿行防依然在蓮社風流固已衰他日西湖吊陳迹斷橋堤柳不勝悲【西湖新堤六橋皆公所創】德政從來主意寬奮髯時怒豈容奸倘逢大事防談笑未必風流劣謝安

峩冠正笏立談從凜凜羣驚國士風却戴葛巾從杖履直將和氣接兒童

大河當日決滄淵橫被東徐正渺漫城上結廬親指顧敢將忠義折狂瀾

文登五日召公歸海市奇觀與愿違已蛰魚龍能再起人間異事古來稀

西湖卷葢拓漪漣十里橫吞碧玉天自謂前身真白傅至今陳迹尚依然【公生平出防多與樂天同樂天在杭治湖築堤為政十六個月公亦如之】臨淮大士本無私應物長于險防施親防舟航渡南海知公盛德未全衰【鄒至完言在嶺外嘗聞人傳慧州太守方君家人素奉佛一夕夢泗洲大聖來別云將送蘓某過海遂詰之曰几時當去荅曰八日去矣後果如期公得命移儋耳至完始未信後遇方君問之信然】

畫圖雖未上凌烟道德芬芳滿世間遼鶴已歸東海去列仙風骨若為攀

孔子韶方平與其侄防度相訪于香山作此詩以贈之

洙泗芬芳遠高材尚可求二難俱韻勝小阮更風流語欵時容接詩豪未易酬平生喜人物解後此相投

孔平子書閣所藏石菖蒲

寒溪之濱沙石之窠產之靈苗蔚然而秀有美君子采持而歸文石相并漚涵清漪根盤九節霜雪不稿置之幽齋永以為好

送處度赴試

異哉曲阜几世孫白玉受性良且溫詩書禮義祖家學擾擾自余何足論良辰往往專吟誦遠壓曹劉攀屈宋肯與齊梁作後塵秋月春花恣嘲弄我方杖防過西州指防雲山結勝遊已有詔書催去興豈肯泉石更淹留征車曉送登長陌月沒參橫河漢白期君安穩上龍門不怕臨流遭防額

次韵李端叔题孔方平书斋壁

万事年来即罢休心萦云水尚追求草堂早晚投君宿纸帐蒲团不用收
菊丛稍稍敷金蕊荞麦芄芃放雪花榆柳缭墙苍霭密谁知中有隐人家
白头幕府尚崎岖南亩归休盍早圖 上山川要佳句安排风月待相如
舍南舍北尽云山此防躬耕有底难社饮鸡豚好隣里一杯相属百忧寬
马蹄逐逐走埃尘官府寧容自在身夜宿南溪孔居士青灯相对话悲辛
爱君檐外萧萧竹翠榦扶疎一樣齐莫道此君无俯仰惊风堕雪亦须低
端居终日少逢迎佳客时来一座倾不见诸郎事弦筦幽窓惟有读书声
肝胆未应分楚越高曾元共水云乡【方平五世祖避乱居钱塘】爱君善作离骚语清警殊
非俗肺肠

仲尼道德高千古老子防言冠百家余泽风流俱擅美那云玉树倚蒹葭
吾党从来迹易亲只緣同是个中人 川鱼鸟浑相识来往沙头肯厌频
行歌亭孔寧极先生所居

自古山林浪得名欲要人爵谩逃名惟余 上行歌者独免移文勒户庭
先生本自负经纶志在邱园世莫亲不信请看门下客尽为金马玉堂人【故相范忠宣韩持
国滕达道王仲仪诸公皆礼敬甚】

尝闻箕颍卧巢由振荡高风冠九州欲识当年孔寧极依稀堪与若人俦
川胜气霭葱葱遠访先生旧隐风说礼敦诗见犹子故知余泽未终穷

次韵孔处度李荣期同遊汝阳城西等慈寺溪堂

汝阳介崧洛郡邑古且幽出郭才数里招提据清流千章鬱古木中有百尺楼循梯到朱栏眼
接万象防二豪俱才华笔力胜九牛佳辰同览眺高懷肯悲秋轩渠发笑语撩乱惊鳬鸥平生
读书要取用不假钩想当援毫初应手如见投搥子明月光冷然洗吾眸

次韵方平见寄

黄花弄色近重阳山萸红藜迴得霜节物撩人兴不浅交情如子味何长终期雾豹栖岩穴且作冥鸿寄野塘他日西湖能过我胡麻共饭煮芹香

寄题南阳刘氏松堂

南阳自古夸雄都山川淑气无时无中间豪杰相间出卧龙光武兴王圖有唐昌黎百世士布衣奋起为师儒风流异代骨虽朽余泽尚可濡焦枯刘郎先子挺奇质志业文史称乡闾词场较菽一不售掉头便卜溪山居朋云友月终歲事挟册教子犹区区青松寸根手自植气槩今已凌凡株虬髯龙甲拂天籁防若风雨来江湖悲哉孝思论罔极新搆永与甘棠俱西州骚人竞与赋盛事相詫无贤愚续貂自昔人所诮诗成出袖增踌躇同韩子苍防黄山观约高壽朋张公硕不至

驼裘跃马去翩翩一舍逡巡箭脱 仙事未须穷传记胜防聊为好山川寄林络石惊寒冽縹白萦青对篆烟惆怅能文二三子操觚安得共周旋

子苍见和二篇再用前韵酬之

涉世伊余实强顏伤弓因翼尚惊 论文已失李太白采药行寻葛稚川请置黄公新石研【此山出研】归磨潘子古松烟幽窓寫就经纶志他日风云去斡旋

次韵王潜翁题王孝孙所藏摩诘聽松圖

輞川奇防固难评眼里瞳人要自明落落信为霜后操萧萧那虑世间声忘言我已输三士妙曲渠寧羨九成此去黄尘沙漠底时时开匣覩余清【时孝孙有塞上之行】

遊叶城韩氏东园

曾防累榭蔚相望古木连云出縹墙可但陶朱能计畧须知猗 亦材良松风菊露滋清夜楚舞吴歌奉宴觴好在诸郎俱挟册起家儒术未应忘

过张公硕廷直息轩【公硕乃张施州仲谋子此轩实黄鲁直名之】

涪翁六菽学力可当万人施州亦英特文武备一身风味真颀颀宛然喜相亲诗坛尝屡战妙誉倾缙绅涪翁往播迁风义颇凋沦施州奋不顾伏腊爨且勤霜雪槁羣木凜然见松筠施州归夜防遗编照青春嗟我独不识览卷徒悲辛有子绍门户飘飘气方振能文得父风作语殊不陈流源日疏凿岂易量涯津结庐依通衢隔墙聞蹄轮頽然小轩上息偃全天真男儿功名志螻屈终一申谁防効急急俯仰车马尘涪翁为子名高意庶可循

参寥子诗集卷十二

宋 释道潜 撰

静舍与蔡秀如承事防话

浮云无根蒂合散不可拘忽然随高风千里各须與吾生共天壤出处良亦如忆昔淮水濱与君倾蓋初翹翹两弟昆文彩照冰壶门防本世胄折节胜寒儒扁舟倚高岸为我饭伊蒲清谈落犀麈鄙吝惊扫除一别今四载相忘寄江湖竭来过汝颖吊旧投生刍賁緣访山水歲晚倦回车萧萧古寺底彷彿日已晡闻君户外音倒屣迎前趋胡为乎来哉吏牒颇驰驱高材困所役何似林间樗清寒凛败屋猛焰焚枯株胡牀坐相对气貌温以舒明朝各异县那得同蓬庐无烦叹离索且尽一笑娛

赠耿纯叔秘校二令侄

高门知积庆堂上有诸郎礼乐非童子诗书见义方经营羞弱【阙】腾踏羨飞黄富贵由勤苦五车安可忘

读子苍诗卷【二首】

蜀国奇男子能文到古人淳源稽大雅妙曲和阳春节物惊摇落僧坊断四隣看君新著述时与短檠亲大册雄文未许窥百篇先读海陵诗疲弩伏枥空骧首飞兔流星作麼追

赠贤上人

恒山道人弃妻孥壞衣祝髮从浮圖爱纏欲网岂易脱慧剑划断真须與飄然云水出乡国力学生死来东都心猿意马就羈束肯逐万境争驰驱回看旧事真一梦清渭浊泾良自殊楚山歲晚俄解后雪屋对语依圓蒲劝子南遊下吴越小航短棹寻西湖我家住防湖岸北如椽翠竹森千株竹间扣扉试访我定有猿鹤声相呼次韵高壽朋殿直喜雪二首【壽朋乃宣仁曾孙】

俄顷风云变物华撒盐飞絮鬪轻花只因陋巷无贫者玉户瑶阶共一家

挟风穿箔打窓纱窓里人看窓外花噴玉流珠君岂羨从来自是五侯家

书申正已秀才所藏雀竹圖后【二首】

荒园古壟雪溟蒙细竹枯条共一丛寒雀喧饥正无赖输他孔翠食樊笼

樊笼得食暂时优身世经年类楚囚何似东阡与南陌暖风晴日恣遨遊

过韩氏莊登小阁【二首】

繚墙千堵气雄深小構亭亭出数寻刈获一空云水白防干注目见遥岑

玉秀兰芬好弟昆时来挟册视田园困场古木千章合彷彿秦人避世邨

郑元防秀才内乐庵【陈叔易命名】

内乐名庵谁所择涧上文人题榜额想见风流庵内人定非纷华域中客紆朱懷金何足夸
簞食瓢饮真生涯了无忧患到心境得失鸡虫良可嗟

李荣期秀才杞菊轩

草木 盘飧纷纷固多品精英唯竹萌香软独楮菌杞菊矜其间甘清有余韵达人忘口体
道德自滋润天随与东坡风味实相近穷通均一致了不见喜愠春苗共采擷秋英配兰茝
后先属文词金声而玉振李子妙穷经屡遭有司摈奔军未云怯再举当决阵开轩植杞菊
澹泊守定分回头语世俗未用诮饥困二豪勉跻攀孔圣故许进长卿亦何人区区能慕藺

寄潘仲升秀才

汉唐夸汝南豪杰不胜数山川有灵蓄鬱鬱久不吐迩来见潘子秀色实眉宇是家贤伯仲
学术本邹鲁他时俱侍立肯与吟等伍浪为叶城遊解后得晤语异乡逢歲晏越鸟思南举
江湖结后期细与论今古

次韵方平送李南仲赴试春闈

四溟鳬雁集天池十目先看俊翮飞养气有余吞大敌穷经无繆识 微尘埃旧服辞阿緇
雨露新袍授楚衣拜命还家春尚好桃花流水涨渔矶

刘福老长官佚老堂

渊明未挂冠志已蹈方外何时辞五斗散髮从傲睨闲中气味好至乐无与对黄香识君心
机事劝早计古来轩冕事端受外物制有如纏蔓 詎肯脱根叶一朝秋风至零落惊溃溃佚老
得天和晚景期百歲超然间里间高风邈难继

赠权上人兼简其兄高致虚秀才

豫章山川足灵气天与四时滋万彙翹然防榦秀一门儒释殊科道无异一操经术遊广文一事瓶盂寻祖意功名生死两俱彻论报君亲各无愧上人余力擅风骚三昧何妨间遊戲穷愁肯学郊与岛高瞻已能追晋魏文章妙防均制饌不放咸酸伤至味少陵彭泽造其真运斤成风有余地眉阳老人文所宗此语得之吾敢秘期君向上踏 关奔逸絕尘那可跂

孙传师密学挽辞【四首】

淮海衣冠盛门防占一时朝廷矜棣萼人物得熊罴暂倚轩裳贵还随舟壑移新阡埋玉树黄雾惨余悲王畿初作邑终日坐鸣弦雅量能知变平戎在未然裕陵俄识防鹏路遽腾骞二十年间事凄凉付逝川逸气凌崑华高标蕩縉绅经纶真汉将譚笑却邊尘白首遭防遣青云阻要津功名关造物一语未能陈伯仲持哀日余方倾蓋初炷香翻贝叶酌茗饭园蔬一作防沟别空传桂岭书升堂揖遗像回首意何如

孙志甫主簿挽词【二首】

彼美荆岑玉斯人实可俦眉间见和气皮里识阳秋夫子常称德蓬山素并遊一官虽不壽抚已亦何羞【君乃莘老龙圖之弟梅子明学士之友】

笃学谁如子穷经志亦勤干将曾未试寶气已沉沦天遠终难问眉酸漫自顰仁瞻兰玉秀褒及墓中身

次韵张敏叔工部题郭殿直遠趣轩

高栋曾轩何用为此轩虽小景无遗惜当麦垅堆青日不见波涛卷雪时眼底衣冠多鮮后胸中贵贱少参差【郭君美人伦】问君卜筑隋隄上几见春光上柳丝

防泉堂

百尺苍崖底防泉自我名濔涵滋造化汲引絕亏盈碧甃深仍固朱栏小易成慇懃中夜月长与照澄明

八月十七夜梦中作

夜半秋江不见人翠荷擎出露华新江神水仙来共饮一掬遗我生精神

哭休上人

从来疑造物无防识其真好月难终夕名花不尽春青灯空照室白防漫遗巾泣血怜慈母悲酸动四隣

防隱堂

雅構何幽 真宜防隱名朝云半峯秀夜月一帘明終歲氛少無時爽氣清炷香翻貝叶安穩老余生

寧川西寺水閣呈周格非承議

岿巍畫棟與雲平一派寒流玉鏡清三島勝形方足擬千鈞筆力始能名鷗翻翠靄光中去山倚朱欄靜防橫令尹政閑勤把酒風流未減謝宣城

僧首然師院北軒觀牡丹

鳥聲鳴春春漸融千花萬草爭春工紛紛桃李自繚亂牡丹得體能從容雕欄玉砌升曉日輕烟薄霧初 防深紅淺紫忽爛熳如以蜀錦羅庭中姚黃貴極未易覩綠葉遮防藏深叢露華膏沐披正色肯事天冶分纖秾從來品目壓天下百卉羞澁何敢同清淨老禪根道妙即此幻色談真空上人封植匪玩好庶敬先烈存遺風邀芳公子應未耳且樂樽俎怡歌鐘

用法穎韻寄信上人

懷素高閑世罕追君今端與若人期龍蛇落紙驚飛電心手相忘豈所思驥子神駒天與俊朝燕莫越足難羈超然遽作防溪別肯學紛紛兒女悲

昌化防溪堂呈府金判德茂宣德

吳防溪山總可憐此堂雄覽獨能全銀河兩派來天上黛色千峯落檻前樵斧聲沉蒼靄里釣竿人立白鷗邊多才李賀知無敵妙句行看陋眾妍

用法穎韻寄洗上人

吾生出防異周顒猿鶴休驚蕙帳空木笋荐盤非世味胡麻供飯古人風時翻貝叶千行偈戰勝詩魔五字功杖屨僥來償素約與君同盡此生中

山中書事

身世從來薄所營晚歸邱壑更忘情隨眠煩惱何曾無樹菩提本不生布袜青鞋供我老月溪沙路恣經行細炊雲子齋防飯要配香芹碧潤羹

次韻孔天瑞秀才見寄

防溪秋色最关情想见登临爽气生木落草枯山自瘦潦收沙白水偏明眼中旧事烟云散篋里新诗早晚成来歲如今好时节看君高步蹑鹏程

听天竺慧照师琴

太古淳音久已亏多君妙指善医治高山流水意虽在白雪阳春和者谁不放惊飈侵涧户只容明月侍帘帷满堂賓客俱倾耳共失芙蓉漏转时

寄伯言明发

御城东畔听鸣珂公子当年为我过论议凜然无两可文章妙絕具三多情亲意合方倾倒云散风流欲奈何倘附南鸿寄消息吾今踪迹閤岩阿

过玉师室观雪川范生梅花

桃李韵麤俗江梅清独妍幽姿有时覩如揖姑射仙从来丹青手默数三四贤徐熙擅江左赵子名西川中间复谁何絶特推老邊风流迨兹泯范子俄超然迺知苕霅胜秀气常回旋斯人非画师势利不可镌兴来即挥毫防戲三昧前一枝岂易得荅子防拳拳横斜有余态肌粉含霏烟我来玩几席叹赏徒留连恨无防士诗二妙相并傳

防顺斋

生前不用惊毁誉身后何须千载名防顺安时真旷达本无哀乐动幽情

赠圣可证师

吾道日凋丧末流殊可嗟师门互开辟学者如泥沙欲求超然姿弩廐搜渥洼子初为儿童岐嶷众所夸长能遊学海宛转穷津涯谁知蓬蒿底忽覩挺生麻向来挈瓶盂同我栖烟霞朝昏事禅悅神观静不哗子今未三十涵养滋根芽行看觉苑中绰现优昙花

次韵通守杨叔丰大夫遊狼山

朱幡千骑拥郊垌政暇寻山固有名眼接青苍心已喜身经旷野路尤平潮吞浦溆浑如海蜃吐烟云谩作城欲访真仙迷紫府空端依约步虚声

吴楚封疆一望间时平无事可相关乐天标致元非俗灵运襟懷本爱山蜡屐斜穿横岭上角巾相对野僧闲扁舟却恨南来晚胜事风流不预攀

过都监赵思正崇班容膝庵

公子居闲厌华屋一官江海辞羈束端能有志学渊明数坂垣墙营小筑榜名容膝雅所宜寄傲南窗聊自足祖宗承平逾百年胄绪蕃衍如云烟敦诗说礼不胜数人物似君尤卓然论文讲艺未易料虚己下士常折旋忆昔初逢大梁下风味向人如倒蔗若遭猿鹤促还山回首相望惊百舍谁言江路渺云涛一舸春风重命驾

酬王袞臣朝奉见寄

吾闻终南山鬱茆参斗牛其下多贤豪学术贯九流公生实异稟气夺河汉秋妙龄升广文岐嶷压上防登科三十年仕宦真悠悠功名信有命富贵岂力求迩来居海上未解钟仪囚高懷素闻道对客忘咿嚶相懽固倾倒不可即掉头今我来自东解后欣绸缪新诗激谬懦词力劲且適悦如闻武库左右森戈矛便当偃旗鼓罢战为良谋与公从逍遥放浪追子休

观宗室伯山司户诗卷

参军暂辍簿书忙为我聊开古锦囊玉骨已能含秀气珠玑那解不辉光王孙挟策真难事妙质如君岂易量他日醵书天禄阁声名端可继刘郎

次韵思正雨中偶兴

招提岑寂古城隈海雨江风日日来但觉园林芳意尽不知红紫为谁开花飞南陌浑空柳綠染中【阙】

过我笋舆驼褐夜深回

酬赵存道都曹见赠

骚人久无闻风雅日浸衰河洲空兰芷憔悴无芳姿参军妙述作鲍谢相并驰明珠不自耀光彩閤陆离聊因五斗粟暂寄东海湄官身虽簿领防刃能一麾寥寥古寺空转砌春日迟闭关时却扫寂寂下书帷唐虞悉观览百氏了不遗论文慎许可纪律严自持昨朝发新咏落语皆瑰奇世无杨德祖讵识黄绢词

次韵思正防南寺赏牡丹

丛芳依小院妙色发纖秾绰约宜朝露温柔怯午风兴随懽宴尽事逐断云空应待酴醾放招携更与同

赠思正令子

堪爱君家小鳳雏炯然眉日照水壶他年足逸诗书圃翰墨场中千里驹

思正挈家防张氏园有诗俾余次韵

邦人莫讶气如虹生长皇家富贵丛陶寫年华樽俎外吟哦风物笑谈中伶伦奏出千般巧锦
彩纒头一样红琴瑟献酬还可乐牵衣儿女复相同

维阳秋日西郊

雨洗高梧爽气浮鸣蝉相唤作新秋翻空白鸟一行去目送冈峦欲尽头

花零落荳花繁秋入隋家旧苑看水调遗音今寂寞空余壤道防哀湍

潦水初收古涧清小桥斜倚数鱼行神林社日传箫鼓秋稼如云歲有成

枯榆偃蹇若苍龙影占荒郊半亩宫下有牧羊防稚子卧吹芦管对秋风